


廣雅疏證 五







廣雅疏證

(五)

張揖撰
王念孫疏證

廣雅疏證卷七上

魏情何張揖撰

高郵王念孫疏證

釋宮

各本宮字皆譌作室案爾雅宮室雖可互訓然以其制言之則自戶牖以內乃謂之室宮爲總名室爲專稱考工記云室中度以几宮中度以尋是也名曰釋宮則內而奧交外而門闕以及寢廟臺榭之制道塗趨走之名莫不兼該若名曰釋室則不足以目一篇之事且廣雅篇名皆仍爾雅之舊不應此篇獨改爲釋室太平御覽居處部云廣雅釋宮曰館舍也今據以訂正

房廡房櫳廬庑康廊館傳庵廠屋庫府殿舍也

說文而居曰舍釋名云舍於中舍息也說文房廡也周官圉師夏房馬鄭注云房廡也廡所以庇馬涼也遺人注云廡若今野候徒有房也說文廡堂下周屋也檀弓注云夏屋今之門廡也其形旁廣而卑吳子治兵篇云

冬則溫殿夏則涼寤釋名云大屋曰廡廡也廡覆也并冀人謂之房房正也屋之正大者也說文房室在旁也釋名云房旁也室之兩旁也櫳之言籠也說文作龔云房室之疏也班婕妤自悼賦云房櫳虛兮風冷冷櫳爲房室之疏則不得直訓爲舍矣漢書食貨志云在壘曰廡在邑曰里說文廡寄也春夏居秋冬去釋名云廡慮也取自覆慮也案覆慮猶言覆露晉語云先主覆露子是也露慮古同聲故釋名又云露慮也覆慮物也說文廡樓牆也玉篇云屯聚之處也晏子春秋諫篇云景公爲長床是床爲舍也康音七粟反此因康字譌作康後音七賜反各本皆作康音七粟反此因康字譌作康後人遂并改曹憲之音集韻類篇康七賜切引廣雅康舍也康趨玉切引廣雅康舍也則宋時廣雅本已有譌作康者案康與下文廡字同廣韻音盧達切不音七粟切玉篇康干漬切下屋也廣韻七賜切偏康舍也衆經音義卷十五云廣雅庵舍也埤倉庵康也康音且漬反今據以訂正廡字通作郎逸周書作雒解云咸有四阿反站重亢重郎晉灼注漢書董仲舒傳云廊堂遺廉也案廊者高大之稱猶高門謂之闕矣說文館客舍也釋名云傳傳也人所止息而去後人復來轉轉相傳無常主

也又云草園屋曰庵庵奄也所以自覆奄也後漢書皇甫規傳親入菴廬巡視將士菴與庵同卷服四制引書高宗諒闇鄭注云闇謂廬也義亦與庵同說文屋居也又云庫兵車藏也釋名云庫舍也物所在之舍也故齊魯謂庫曰舍也說文府文書藏也鄭注論語云藏財貨曰府卷三云府聚也說文廩馬舍也釋名云廩句也句聚也牛馬之所聚也

堂堽壁也

壁通作殿初學記引倉頡篇云殿大堂也釋名云殿有殿鄂也堽通作皇爾雅無室曰榭郭注云榭卽今堂堽漢書胡建傳監御史與護軍諸校列坐堂皇上顏師古注云室無四壁曰皇案皇者空虛之名爾雅云隍虛也城池無水曰隍室無四壁曰皇其義一也太平御覽引廣雅作堂皇合殿也廣韻亦云堂堽合殿

反坫謂之埽

未詳

屠廡廡廡粗幕易廁庵也

庵義已見上文廣韻屠廡草菴也引通俗文云屋平曰廡廡通作屠蘇太平御覽引魏略云李勝爲河南尹廳事前屠蘇壞令人治之說文廡廡也廡與廡聲近而義同廡亦幕也方俗語有輕重耳後漢書皇甫規傳親入菴廡巡視將士菴廡卽幕也幕菴廡皆下覆之義說見上文易之爲庵未詳所出影宋本皇甫本竝作易廁各本譌作廁惟影宋本不譌廣韻引廣雅作廡

檜窠巢也

說文鳥在木上曰巢在穴曰窠孫炎注爾雅釋樂云巢高也禮運夏則居檜巢鄭注云聚薪柴居其上釋文檜本又作增又作曾大戴禮曾子疾病篇云廡鶉以山爲卑而曾巢其上竝字異而義同爾雅豕所寢檜義亦相近也說文窠空也一曰鳥巢也凡言窠者皆空中之義說見卷三科空也下

棚筭栽棧閣也

卷二云竒閣載也卷三云閣竒也史記梁孝王世家索隱引通俗文云高置立竒棚曰竒閣卷三云棚竒也說文棚棧也衆經音義卷十四引三倉云棚棧閣也又引通俗文云連閣曰棚九章算術商功章負米往來七十步其二十步上下棚除劉徽注云棚閣也除邪道也卷三云載竒也載與栽同又云磔竒也磔與棧同說文棧棚也文選謝靈運從斤竹澗越嶺溪行詩注引通俗文云版閣曰棧齊策云爲棧道木閣而迎王與后於城陽山中史記高祖紀輒燒絕棧道索隱引崔浩云險絕之處傷鑿山巖而施版梁爲閣也凡編木爲棚通謂之棧莊子馬蹄篇編之以早棧崔謨注云棧木棚也棧各本譌作踐衆經音義卷十五及太平御覽竝引廣雅棧閣也今據以訂正

寤謂之竈

玉篇引倉頡篇云楚人呼竈曰寤寤各本譌作寤集韻類篇引廣雅作寤皆玉篇廣韻所無玉篇廣韻引廣雅竝作寤今據以訂正

其脣謂之脛

月令注祀竈之禮設主于竈脛正義云逸中雷禮文又云竈脛謂竈遺承器之物以土爲之

其窻謂之埃

埃通作突呂氏春秋論大篇云竈突決則火上焚棟

埃下謂之

謂之下各本皆脫一字今無考

甄甸窯也

衆經音義卷十四引倉頡篇云窯燒瓦竈也管子七臣七主篇云文采纂組者煇功之審也審與窯同說文甄甸也漢書董仲舒傳猶泥之在鈞唯甄者之所爲文選魏都賦注引如淳注云陶人作瓦器謂之甄甸通作陶衆經音義卷二引倉頡篇云陶作瓦家也陶與窯聲相近大雅縣篇陶復陶穴鄭箋云復者復於土上鑿地曰

穴皆如陶然
是陶卽窯也

楣檐樛栒也

說文栒楣也土喪禮置于宇西階上鄭注云宇栒也特牲饋食禮記饔飪在西壁注引舊說云南北直屋栒釋名云栒旅也連旅之也或謂之檐檐縣也縣連榱頭使齊平也凡言呂者皆相連之意衆謂之旅紘衣謂之紹脊骨謂之呂榱端檐縣謂之栒其義一也說文檐秦名屋檐縣也齊謂之檐楚謂之栒釋名云檐檐也近前若面之有眉也又云水草交曰檐檐檐也臨水如眉臨目也適與檐義相近檐宇皆下垂之名故在人亦有眉宇之稱枚乘七發云陽氣見於眉宇之間是也說文檐檉也檉栒也爾雅檐謂之栒特牲饋食禮疏引孫炎注云謂屋栒也周人謂之栒齊人謂之檐明堂位復廟重檐鄭注云重檐重承壁材也檐者障蔽之名說見釋器幌幟幟也下方言屋栒謂之樛郭注云卽屋檐也亦呼爲連縣樛之言闌也與檻謂之樛同義

榱榱棟椽也

說文椽榑也秦謂之榑周謂之椽齊魯謂之桷晉語云天子之室斲其椽而礪之加密石焉諸侯礪之大夫斲之士首之釋名云椽傳也相傳次而布列也爾雅桷謂之榑郭注云屋椽也襄三十一年左傳云棟折榑崩釋名云榑在椽有下列衰然也說文椽椽也楚辭九歌桂棟兮蘭椽王逸注云以木蘭爲椽也漢書張敞傳果得之殿屋重轅中轅與椽同椽者落落分布之名屋椽謂之椽猶車蓋弓謂之轅故釋名釋車篇云轅蓋又也如屋構椽也輪輻謂之轅義亦同也魯頌閟宮篇松桷有舄毛傳云桷榑也春秋莊三十四年刻桓宮桷穀梁傳說天子以下桷制與晉語同說文云椽方曰桷釋名云桷桷也其形細而疏桷也棟之言促也說文棟短椽也徐錯傳云今大屋重椽下四隅多爲短椽卽此也

檣棟也

繫辭傳云上棟下宇以待風雨爾雅棟謂之桴郭注云屋檣也說文棟極也檣勞也勞複屋棟也釋名云檣隱也所以隱桷也或謂之棟棟中也居屋之中也

葢謂之甌

葢或作甌方言甌謂之甌郭注云卽屋標也說文葢屋棟也釋名云屋脊曰葢葢蒙也在上覆蒙屋也襄二十八年左傳猶援廟桷動於葢晉語既鎮其葢矣韋昭杜預注竝與說文同程氏易疇通藝錄云葢者蒙也凡屋通以瓦蒙之曰葢故其字從瓦晉語譬之如室既鎮其葢矣又何加焉謂葢構既成鎮之爲葢則不復有所加矣若以葢爲屋極則當時施榑桷覆茅瓦安得云無所加左傳慶舍援廟桷而動於葢則葢爲覆桷之瓦可知言其多力引一桷而屋宇爲之動也若以葢爲屋極則太公之廟必非容膝之廬所援之桷必爲當檐之題題之去極甚遠安得援題而動於極也天子廟制南北七筵諸侯降殺以兩則五筵也陂陀下注又加長焉極之去檐幾三丈矣况題接於交交至於極亦必非一木何能遠動之乎案易疇謂以瓦覆屋曰葢與內外傳皆合確不可易甌之言甌也說文甌屋水流也葢爲甌所從出故又謂之甌矣

構謂之枅

爾雅開謂之楛郭注云柱上構也亦名枅又曰楷文選魏都賦注引說文云構楹柱上枅也淮南子本經訓云櫛林構楹以相支持漢書王莽傳作薄楹明堂位注作構虛竝字異而義同說文枅屋楹也文選魯靈光殿賦注引倉頡篇云枅柱上方木也莊子齊物論篇似枅梁簡文帝注云枅構楹也淮南子主術訓云脩者以爲欄椽短者以爲朱儒枅楹

曲枅謂之樂

王延壽魯靈光殿賦云曲枅要紹而環句釋名云樂攀也其體上曲攀拳然也張衡西京賦結重樂以相承齊綜注云樂柱上曲木兩頭受楹者何晏景福殿賦云樂栱天矯而交結

格謂之竿

格字或作案又作節說文格構楹也爾雅栢謂之案郭注云卽楹也釋文案舊本及論語禮記皆作節明堂位山節藻稅鄭注云山節刻構楹爲山也逸周書作雒解復格藻稅孔晁注云復格累芝栢也魯靈光殿賦芝栢

橫羅以戢香張載注云芝栴柱上節方小木爲之長三尺今本逸周書格字譌作格格竿一聲之轉爾雅屋上薄謂之筵注云屋竿也屋上薄謂之竿猶柱上構謂之竿矣

楹謂之柱

釋名云楹亭也亭亭然孤立旁無所依也

礎 礪 礪也

太平御覽引說文云礪柱下石也古曰木今曰石礪之言質也鄭注曲禮云質猶本也礪在柱下如木之有本故曰礪字通作質墨子備城門篇云兩柱同質韓非子十過篇云公宮令舍之堂皆以鍊銅爲柱質書大傳大夫土有石材庶人有石承鄭注云石材柱下質也石承當柱下而已不外出爲飾礎之言苴也苴藉也所以藉柱也淮南子說林訓山雲蒸柱礎潤衆經音義卷十八引許慎注云楚人謂柱礎曰礎礎之言藉也履謂之易義與此同也張衡西京賦云雕楹玉礪字通作易墨子備城門篇云柱下傳易各本皆脫礪字文選西京賦景

福殿賦注竝引廣雅礪磧也集韻類篇竝引廣雅礎礪
碩磧也今據補碩之言鎮壓也班固西都賦雕玉瑱以
居楹瑱
與碩通

窻牖闕也

說文在牆曰牖在屋曰窗古文作四或作窗又云窻通
孔也釋名云窻聰也於內窺外爲之聰明也聰與窻古
同聲而通用大戴禮盛德篇云明堂凡九室一室而有
四戶八聰說文牖穿壁曰木爲交窻也牖者開道之名
大雅版篇天之牖民毛傳云牖道也闕本作向通作鄉
幽風七月篇塞向墜戶傳云向北出牖也說文同明堂
位刮楹達鄉鄭注云
鄉牖屬謂夾戶窻也

丰梯階也

梯之言次第也
說文梯木階也

坻除也

說文除殿陛也漢書王莽傳莽自前殿南下椒除顏師古注云除殿陛之道也除之言敘也階級有次敘也說文墀涂地也禮天子赤墀漢書梅福傳涉赤墀之塗應劭注云以丹漆泥塗殿上也墀與坻通

盜窳窳窳窟也

說文北方謂地空因曰爲土穴爲盜戶釋言云窳窳也玉篇窳窳窟也窳之言複也說文窳地室也引大雅絛篇陶窳陶穴今本作復鄭箋云復者復於土上鑿地曰穴皆如陶然月令注作複竝字異而義同

京庾廩麇廩廩困倉也

說文倉穀藏也倉黃取而藏之故謂之倉蔡邕月令章句云穀藏曰倉米藏曰廩釋名云倉藏也藏穀物也說文園謂之困方謂之京管子輕重丁篇云有新成困京者二家史記倉公傳見建家京下方石徐廣音義云京者倉廩之屬釋邱云四隤曰陵四起曰京義與方倉謂之京同也說文庾水漕倉也一曰倉無屋者小雅楚茨篇我庾維億毛傳云露積曰庾周語云野有庾積應劭注漢書文帝紀引胡廣漢官解詁云在邑曰倉在野曰

庾是倉無屋謂之庾也魏策云粟糧漕庾不下十萬是
 水漕倉謂之庾也釋名云庾裕也言盈裕也案庾之言
 亦聚也聚者積也漢書會貨志以防貴庾者顏師古注
 云庾積也以防民積物待賈是庾為積物之通稱也廩
 之言斂也說文向穀所振入宗廟乘盛倉黃向而取之
 故謂之向或作廩中庸通作稟桓十四年穀梁傳云御
 廩者何柔盛委之所藏也鹿通作鹿吳語困鹿空虛韋
 昭注云員曰困方曰鹿廣韻引賈逵注云鹿庾也說文
 廩芻稟之賦也管子度地篇云虛牢獄實倉廩廩之言
 會也漢書天文志胃為天倉其南眾星曰廩積如涪注
 云芻稟積為廩爾雅廩廩也孫炎注云廩藏穀鮮絜也
 魏風伐檀篇胡取禾三百困兮毛傳云圓者為困困圓
 聲相近

州郡縣府廷寺學校庠序辟廱類官警宗東膠官也

皆謂官舍也釋名云州注也郡國所注仰也縣懸也懸
 係於郡也郡羣也人所羣聚也餘見卷四州郡縣國也
 下周官大宰以入瀛治官府鄭注云百官所居曰府卷
 三云府聚也各本府字在縣字上蓋後人誤以府為府

縣之府故移置於縣字之上今訂正說文廷朝中也後漢書郭太傳注引風俗通義云廷正也縣廷郡廷朝廷皆取平均正直也說文寺廷也衆經義卷十四引三倉云寺官舍也管子度地篇云官府寺舍寺之言止也後漢書光武帝紀注引風俗通義云諸官府所止皆曰寺大戴禮保傅篇云學者所學之官也學記云古之教者家有塾黨有庠術有序國有學孟子滕文公篇云設爲庠序學校以教之庠者養也校者教也序者射也夏曰校殷曰序周曰庠學則三代共之明堂位云米廩有虞氏之庠也序夏后氏之序也瞽宗殷學也頌宮周學也內則云有虞氏養國老于上庠養庶老于下庠夏后氏養國老于東序養庶老于西序殷人養國老于右學養庶老于左學周人養國老于東膠養庶老于虞庠虞庠在國之西郊王制云小學在公宮南之左大學在郊天子曰辟廡諸侯曰頌宮大雅靈臺篇於樂辟廡毛傳云水旋邱如壁曰辟廡以節觀者魯頌泮水篇旣作泮宮鄭箋云泮之言半也蓋東西門以南通水北無也泮與頌通周官大司樂凡有道者有德者外則以爲樂祖祭于瞽宗鄭衆注云瞽樂人樂人所共宗也

𩇑𩇑也

說文𩇑井甃也𩇑之言聚也脩也井象傳井𩇑无咎脩井也馬融注云𩇑爲瓦裹下達上也太平御覽引風俗通義云𩇑聚塼脩井也莊子秋水篇吾樂與吾跳梁乎井榦之上入休乎缺𩇑之崖李頤注云𩇑著井底闢也廣韻𩇑井甃也玉篇甃壯瓦也𩇑融竝徒紅反義亦相近甃廣韻作𩇑

欄檻槩柱牢也

說文牢閑養牛馬圈也周官充人祀五帝之牲牲繫于牢是也釋名云獄謂之牢言所在堅牢也史記天官書貴人之牢賤人之牢是也欄之言遮闢也晏子春秋諫篇云牛馬老于欄牢鹽鐵論後刑篇云是猶開其欄牢發以毒矢也漢書王莽傳云與牛馬同蘭竝字異而義同檻之言監制也說文檻權也一曰圈也莊子天地篇云虎豹在於囊檻史記張耳陳餘傳云乃檻車膠致與王詣長安釋名云檻車上施欄檻以格猛獸亦囚禁罪人之車也槩之言牢籠也字本作檻說文檻檻也衆經音義卷一引三倉云權所以盛禽獸檻欄也柱之言比

密也字本作陞又作狴說文陞牢也
易林比之否云失意懷幽如憂狴牢

闔謂之門

說文門闔也闔之言通達也薛綜注西京賦云宮中之
門小者曰闔史記樊噲傳排闥直入是也後漢書桓帝
紀注引廣雅作闔謂之闔所見本異也考工記匠人云
廟門容大扇七個闔門容小扇參個爾雅宮中之門謂
之闔左傳哀十四年正義引孫炎注
云宮中相通小門也闔與闔亦同義

開扇扉也

爾雅闔謂之扉說文扉戶扇也玉藻云闔門左扉門扇
有左右故謂之扉扉之言棐也夾輔之名也爾雅云棐
備也兩驂謂之駢義亦同也說文開門扉也開之言介
也亦夾輔之名也說文扇扉也月令乃脩闔扇鄭注云
用木曰闔用竹葦曰扇呂氏春秋知接篇
云蓋以楊門之扇翼謂之扇義亦同也

象魏闕也

爾雅觀謂之闕說文闕門觀也水經穀水注引白虎通義云闕者所以飾門別尊卑也釋名闕在門兩旁中央闕然爲道也莊二十一年左傳鄭伯享王于闕西辟杜預注云闕象魏也桓三年穀梁傳諸母兄弟不出闕門范甯注云闕兩觀也周官大宰乃縣治象之廩于象魏哀三年左傳御公立于象魏之外鄭衆杜預竝訓爲闕象魏謂之闕或謂之魏闕淮南子本經訓魏闕之高高誘注門闕高崇魏魏然故曰魏闕

限謂之丞

說文限門楣也

秩屺憐砌也

砌古通作切漢書外戚傳切皆銅沓黃金塗顏師古注云切門限也音干結反文選西都賦元墀卸砌後漢書班固傳作切秩亦切字也爾雅秩謂之闕孫炎注云門限也郭璞音切說文楣限也楣與切古亦同聲說文牖從齒肩聲讀若切是其例也文選西京賦金屺玉階李善注引廣雅屺砌也淮南子汜論訓云枕戶憐而臥是

麟爲切也字亦作麟說山訓云劉靡勿釋牛車絕麟說
林訓云雖欲謹止馬不發戶麟高誘注竝云楚人謂門
麟切爲

槩機闌朱也

朱或作柵又作闌說文柵門柵也曲禮外言不入於柵
內言不出於柵鄭注云柵門限也釋文柵本又作闌案
界於門者曰切中於門者曰柵二者皆所以爲限故皆
言門限也說文槩門柵也字亦作槩通作厥爾雅槩謂
之闌郭注云門闌也荀子大略篇和之璧井里之厥也
晏子春秋諫篇作井里之困困亦與柵同柵者直而短
之名說見卷二子子短也下槩各本譌作槩唯影宋本
皇甫本不譌機字或作機呂氏春秋本生篇注云機槩
門內之位也抑風谷風篇不遠伊邇薄送我機毛傳云
機門內也正義云機者期限之名故周禮有九機說苑
政理篇云正樞機之禮壹妃匹之際蔡邕司徒袁公夫
人馬氏靈表云不出其機化導宣暢說文闌門闌也土
冠禮布席于門中闌西曲禮大夫士出入君門由闌右
鄭注竝云闌門槩也昭八年穀梁傳置旃以爲闌門以

葛覆質以爲槩爾雅杙在
地者謂之臬義竝與闌同

學愚謂之屏

學愚字或作罍思或作桴思或作浮思或作覆思水經
穀水注太平御覽引廣雅竝作復思爾雅屏謂之樹李
巡注云以垣當門自蔽名曰樹釋名云屏自障屏也郊
特牲臺門而旅樹鄭注云旅道也屏謂之樹樹所以蔽
行道禮天子外屏諸侯內屏大夫以簾士以帷明堂位
疏屏天子之廟飾也注云屏謂之樹今桴思也刻之爲
雲氣蟲獸如今闕上爲之矣正義云案匠人注云城隅
謂角桴思也漢時東闕桴思矣以此諸文參之則桴思
小樓也故城隅闕上皆有之然則屏上亦爲屋以覆屏
牆故稱屏曰桴思今本考工記匠人注作浮思宋玉大
言賦云大笑至兮摧覆思鹽鐵論散不足篇云祠堂屏
闕垣闕罍思漢書文帝紀未央宮東闕罍思災顏師古
注云罍思謂連闕曲闕也以覆重刻垣墉之處其形罍
思然一日屏也古今注云罍思屏之遺象也漢西京罍
思合版爲之亦築土爲之每門闕殿
舍前皆有焉于今郡國廳前亦樹之

投謂之闕鍵笠屐戶牡也

闕字或作鑰又作鑰鍵字或作鍵鄭注金滕云鑰開藏之管也越語請委管鑰韋昭注云管鑰取鑰器也周官司門掌授管鑰以啟閉國門鄭衆注云管謂鑰也鍵謂牡月令脩鍵閉慎管鑰鄭注云鍵牡閉牝也管鑰搏鍵器也正義云管鑰以鐵爲之似樂器之管鑰指於鎖內以搏取其鑰也呂氏春秋異用篇云跖與企足得飴以開閉取鍵淮南子說林訓云盜跖得飴日可以黏牡是戶牡謂之鍵也漢書五行志長安章城門門牡自亾顏師古注云牡所以下閉者也

閣庖廚也

說文廚庖屋也庖廚也鄭注周官庖人云庖之言苞也裏肉曰苞苴檀弓始舂之奠其餘閣也與鄭注云閣皮藏食物內則云大夫七十而有閣天子之閣左達五右達五公侯伯於房中五大夫於閣三士於坵一注云閣以版爲之皮食物也達夾室也

閭謂之衙

衙與巷同說見卷二衙尻也及下文衙道也下荀子儒效篇隱於窮閭陋屋韓詩外傳作隱居窮巷陋室是閭也
即巷也

闕閭閑里也

閭閑里三字說見卷二里閭閑尻也下說文闕樓上尸也義與閭閑里不相近然說文闕閑閭三字相承廣雅之訓多本說文疑說文闕字注內
有一日闕也之訓而今本脫去也

堦隊墉院廡牆垣也

釋名云垣援也人所依阻以為援衛也案垣之言環也環繞於宮外也堦之言繚繞也說文堦周垣也隊之言冢也說文隊道邊庫垣也謂垣卑小裁有墉埒冢起周官典瑞球圭璋璧琮鄭衆注云球有圻鄂球起義相近也爾雅牆謂之墉說文墉城垣也釋名云墉容也所以蔽隱形容也案墉者容隱之義非形容之義爾雅容謂

之防郭注云形如今牀頭小曲屏風唱射者所以自防
隱義相近也院之言亦環也說文寘周垣也或作院墨
子大取篇云其類在院下之鼠各本院下行也字今刪
辟與壁同釋名云壁辟也辟禦風寒也又云牆障也所
以自障蔽也初學記太平御覽引廣雅牆字竝在垣字下

埤垠堞女牆也

埤垠字或作俾倪或作睥睨或作僻倪堞字或作堞玉
篇引倉頡篇云垠城上小垣也說文埤城上女牆俾倪
也堞城上女垣也宣十二年左傳守埤者皆哭杜注云
埤城上僻倪襄六年傳堞之環城傅于堞注云堞女牆
也二十七年傳崔氏堞其宮而守之注云堞短垣也墨
子備城門篇云俾倪廣三尺高二尺五寸又云五十步
一堞釋名云城上垣曰睥睨言於其孔中睥睨非常也
亦曰埤埤裨也言裨助城之高也亦曰女牆言其卑小
比之於城若女子之於丈夫也案俾倪者短垣之貌俾
之言庫也倪亦庫也爾雅龜左倪不類右倪不若郭注
以左倪爲左庫右倪爲右庫是也左傳謂之埤倉頡篇
謂之垠其義一也衆經音義卷二云堞取重疊之義

椽柀藩籬羅落柀也

柀今籬字也說文柀落也王逸注招魂云柴落為籬衆
經音義卷十四云籬柀同力支反引通俗文云柴垣曰
柀木垣曰柀釋名云籬籬也以柴作之疏籬籬然也各
本地字誤作地地下又衍一籬字集韻類篇引廣雅椽
柀籬也羅落籬也則宋時廣雅本已有籬字蓋今本籬
字本作離乃是柀字之音既誤入正文後人又改離為
籬耳今訂正釋名云青徐謂籬曰椽椽與椽同椽玉篇
音渠據之言渠疏然也方言把宋魏之間或謂之渠疏
亦言把齒渠疏然也其謂之把者謂其齒扶疏然也史
記張儀傳索隱云今江南謂葦籬曰芭籬芭與把義亦
相近也椽者叢積之名椽猶荐也哀八年左傳吳人囚
邾子於樓臺椽之以棘杜注云椽擁也此與十二年傳
吳人藩衛侯之舍同意說文椽召柴木雖水也義亦與
藩籬同說見釋器匭椽椽也下說文籬藩落也儒行籬
門圭籬鄭注云籬門荆竹織門也襄十年左傳注云籬
門柴門也宣十二年傳籬路藍縷注云籬路柴車也義
與華門同籬之言敵也說見釋器鞞謂之釋下權字通
作羅六韜軍用籬云三軍拒守天羅虎落鎖連一部羅

之言羅羅然也釋名釋采帛云羅文羅羅疏也義與櫛相近落之言落落然也古通作落管子地員篇云行磨落羅落柅一聲之轉莊子駐篋篇削格羅落置眾之知多則獸亂於澤矣羅落謂獸網也網謂之羅落亦謂之畢柅謂之篋亦謂之羅落義並相近也

柅謂之櫛

說文柅編樹木也釋名云柅墮也以木作之上平墮然也莊子天地篇云內大盈於柴柅達生篇祝宗人元端以臨丰策李頤注云策木欄也列子仲尼篇長幼羣聚而為牢藉庖廚之物策藉並與柅通編簡謂之冊亦謂之畢編柴為垣謂之篋編木為垣謂之柅義並相近也

黝堊堊墀墜屨塗械揅培封塗也

釋名云塗杜也杜塞孔穴也字亦作涂周官守祧其祧則守祧黝堊之鄭衆注云黝讀為幽幽黑也堊白也引爾雅地謂之黝牆謂之堊衷大記既祥黝堊鄭注云黝至堊室之飾也說文至白涂也餘見下文天子諸侯廟

黝堊及釋器黝黑也下說文現涂也幽風七月篇塞向
墜戶毛傳云墜塗也月令鼈蟲皆墜其戶注云墜爲塗
閉之墜與墜同說文墜涂地也禮天子赤墀應劭注漢
書梅福傳云赤墀以丹漆泥塗殿上也韓非子十過篇
云般人四壁堊墀說文墀仰涂也墀與堊同梓材旣勤
垣墉惟其數堊茨馬融注云堊堊飾也說文彘呂血有
所剗涂祭也聲義與堊相近說文屨墀也呂中擱之也
讀若水溫難字或作屨又作屨漢書揚雄傳屨人止則
匠石輟斤而不敢妄斲服虔注云屨人古之善塗堊者
也顏師古注云屨拔拭也故謂塗者爲屨人鹽鐵論散
不足篇云富者堊屨壁飾塗與拭義相近故塗謂之現
亦謂之墜亦謂之堊亦謂之屨拭謂之現亦謂之墜亦
謂之概亦謂之屨也說文塗涂也讀若隴衆經音義卷
八音莫董反引通俗文云泥塗謂之塗頓裏三十一年
左傳巧人以時塤館宮室杜注云塤塗也塤與塤同張
載魏都賦注引左傳作冪云冪塤也塗與覆義亦相近
故覆謂之慢亦謂之慢亦謂之慢亦謂之慢
塗謂之慢亦謂之塤亦謂之塗也

椽楹檠狀猷猷柵杙也

說文弋槩也。或作杙。爾雅：楸謂之杙。楸與杙之言皆直也。方言：楸，燕之東北朝鮮泅水之間，謂之楸。楸之言段也。今人言木一段兩段是也。楸各本譌作楸。今訂正說文：槩，弋也。槩與楸同。月令注引農書云：土長冒槩。今俗語猶謂杙爲槩。楸之言厥也。凡木形之直而短者謂之槩。說見卷二。子短也。下漢書尹賞傳：槩著其姓名。顏師古注云：槩，杙也。爾雅：雞栖於杙。爲桀。桀與槩通。方言注云：槩，槁杙也。江東呼都與桀古同聲。合言之則曰槁。槩說文：槁，槁杙也。周官：蠃氏若有舛於道路者，則令埋而置槁焉。書其日月焉。鄭衆注云：槁，欲令其識取之。今時槁杙是也。玉篇：杙，杙繫船大杙也。字本作杙。柯，杙者。杙長大洋。杙然也。柯亦長大之名。猶木大枝謂之柯也。魏志：常林傳注引魏略云：吳使朱然諸葛瑾攻圍樊城，遣船兵於峴山東祈杙。柯材漢書地理志：杙，柯郡。顏師古注云：杙，柯繫船杙也。引華陽國志云：楚頃襄王遣莊躄伐夜郎軍，至且蘭。杙船於岸而步戰。旣滅夜郎，以且蘭有杙船，杙柯處乃改其名爲杙。柯，杙曹憲音歌。各本杙作歌。蓋因音內歌字而誤。歌字又誤在歌字下。集韻類篇並引廣雅：杙，杙杙杙也。則所見已是誤。本案玉篇廣韻俱無歌字。又杙，杙二字之間不當闕入歌字。今訂

正玉篇獸船左右大木廣韻云船纜所繫也獸亦長大之名獸之言侗也說文侗大兒論衡齊世篇云上世之人侗長
倭好

擇軌塢街術蹊徑闌闌羨隊邪除昞陌迓舒道也

道之言由也人所由也擇通作驛玉篇驛道也擇之言釋也釋遠皆長意也故方言云釋長也迓長也軌謂車道也考工記匠人云塗度以軌高誘注淮南子本經訓云軌道也軌者法度之名隱五年左傳云講事以度軌量謂之軌是也軌各本譌作軌今訂正塢之言互也士喪禮記唯君命止柩于塢曾子問葬引至于塢雜記非從柩與反哭無免于塢鄭注竝云塢道也術與巷同爾雅宮中術謂之衢孫炎注云術舍間道也鄭風叔于田傳云巷里塗也術之言共也說文云在邑中所共也又云街四通道也廣韻引風俗通義云街攜也離也四出之路攜離而別也術之言率也人所率由也說文術邑中道也呂氏春秋下賢篇云桃李之坐於術者莫之援也褚少孫續龜策傳云內經閭術外爲阡陌蹊或作俛蹊亦徑也語之轉耳釋名云步所用道曰蹊月令注云

侯徑禽獸之道也說文徑步道也初學記引說卦傳鄭注云田間之道曰徑路釋名云徑經也人所經由也卷二云徑裏也說文闕市外門也古今注云闕市垣也闕市門也文選西京賦廓開九市通闕帶闕薛綜注云闕市營也闕中隔門也乘闕爲市垣闕爲市門而市道卽在垣與門之內故亦得闕闕之名猶閭閭爲里門而里亦謂之閭閭也劉逵注蜀都賦云闕市巷也巷卽道也闕元占經東方七宿占引石氏云房四星爲四表中有三道中間爲天衢南闕曰陽環北闕曰陰環環與闕同義羨讀若延史記衛世家共伯入釐侯羨自殺索隱云羨墓道也字亦作堦又作延文選潘岳悼亡詩注引聲類云堦墓隧也後漢書陳蕃傳云葬親不閉堦隧隱元年左傳注作延羨之言延也鄭注考工記玉人云羨猶延也爾雅延間也郭注以爲閒隙李奇注郊祀志云三輔謂山阪間爲行衍與延聲義相近也隊或作隧隧之言遂也遂達也周官豕人以度爲邱隧鄭注云隧羨道也疏云天子有隧諸侯以下有羨道隧道則上有負土羨道則無負土周語晉文公請隧賈逵注云闕地通路日隧隧爲羨道之名亦爲道之通稱襄十八年左傳夙沙衛連大車以塞隧是也文十六年傳楚子會師于臨

品分爲二隊子越自石谿子貝自切以伐庸隊與隧同
謂分爲兩道以伐庸也哀十三年傳越子伐吳爲二隧
是也杜注以隊爲隊伍之隊失之邪與除古聲相近除
亦邪也九章算術商功章今有羨除劉徽注云羨除隧
道也其所穿地上平下邪商功章又云負土往來七十
步其二十步上下棚除棚除二當平道五注云棚閣也
除邪道也文選西都賦輦路經營脩除飛閣義與棚除
同說文趙魏謂伯爲吭高誘注淮南子地形訓云常山
人謂伯爲亢亢與吭同伯與陌同吭各本譌作吭今據
曹憲音訂正遠亦吭也語有緩急耳爾雅兔其跡遠說
文遠獸迹也或作屺亦通作亢釋名云鹿兔之道曰亢
行不由正亢陌山谷草野而過也太元居次四見豕在
堂狗繫之遠范望注云遠迹也張衡西京賦遠杜蹊塞
薛綜注云遠道也成十八年左傳以塞夷庚杜注云夷
庚吳晉往來之要道詩序云由庚萬物得由其道也庚
與遠古亦同聲垣之言亘徑之言經遠之言杭皆橫度
之名也漢書文帝紀大橫庚庚服虔注云庚庚橫貌義
與遠同陌亦橫度之名也故釋名云亢陌山谷草野而
過又云稍頭或謂之陌頭言其從後橫陌而前也舒或
作阡阡之言伸也直度之名也卷三云伸直也史記秦

紀開阡陌索隱引風俗通義云南北曰阡東西曰陌倉貨志作仵伯匡衡傳作佰竝字異而義同

駃騠驅騾馳騖騰越走奔也

奔與奔同尉繚子制談篇云猶良驥騶耳之駃史記張儀傳揆前跌後蹄閒三尋索隱云言馬之走勢疾也莊子齊物論篇麋鹿見之決驟崔謏注云疾走不顧為決卷一云越疾也說文跌馬行兒又云越蹠也高誘注淮南子脩務訓云蹠越走也越跌決竝與駃通良馬謂之駃騠義亦同也說文駃次第馳也玉篇音厲荀子禮論云步驟馳騖厲騖不外是矣楚辭遠遊云颯弭節而高厲厲與騖通厲亦疾意也月令云征鳥厲疾是也越曹憲音子肖反說文越動也玉篇且水切動也走也集韻又愈水切走兒又子肖切引廣雅越奔也玉篇雖干水切亦越字也廣韻又以水切走也玉篇越子妙切走兒廣韻又才笑弋照二切走也史記司馬相如傳蔑蒙躡躍騰而狂越漢書作越張注云越奔走也顏師古音醮揚雄傳神騰鬼越顏師古亦音醮宋祁校本引蕭該音義云今漢書鬼越或作躡字韋昭慈昭反云越超也字林音才召反左思吳都賦狂越獷狻劉逵注云越走也

李善音子召反曲禮庶人僬僬亦走兒也土相見禮云
庶人見於君不爲容進退走是其義也合觀諸書音訓
趨音干水以水子肖才召慈昭五反雖音干水以水才
召三反趨音子肖才召弋召三反而同訓爲走是雖趨
卽趨之異文而子肖才召慈昭卽干水之轉聲弋召卽
以水之轉聲也凡脂部之字多有與蕭部相轉者若有
鶩雉鳴之鶩音以水以小二反周官追師之追音丁回
丁聊二反郊特牲豈與之齊齊或爲醮史記萬石君傳
譙呵音誰何皆其例也廣韻趨進也趨之言駿也爾雅
駿速也鄭注公倉大夫禮云不拾綴而下曰辵說文引
宣六年公羊傳辵階而走今本作踏何休注云踏猶超
也釋文踏與跛同一本作辵踏跛竝同義漢書司馬
相如傳踳踳疾行互前卻也恍與奔走也辵跛與竝音
丑略反義亦同也

陸埒塌塘陞防芋隄也

說文陸稻田畦也衆經音義卷九引倉頡篇云陸畔也
齊民要術引汜勝之書云始種稻者缺其陸令水道相

直字或作塿惟南子齊俗訓狃狃得乘防弗去而緣高
誘注云塿水塿也亦通作乘爾雅如乘者乘邱郭注云
形似車乘也或云乘者謂稻田塿塿塿謂田界也周官
稻人以列舍水鄭注云列田之畦塿也淮南子本經訓
云聚塿畝塿之言兆朕塿之言形塿也淮南子叔真訓
云未有形塿垠塿又云欲與物接而未成兆朕是也衆
經音義卷二十引聲類云塿高土也說文塿係也一曰
高土也係與塿通亦通作禱塿王篇作塿亦通作禱呂
氏春秋疑似篇云周人爲高禱塿於王路置鼓其上遠
近相聞九章算術商功章有方塿塿塿塿字亦作
塘通作唐周語陂唐汚庫以鍾其美
韋昭注云唐隄也玉篇隄界隄也

相潛隈也

隈之言偃也所以障水或用以取魚鄭衆注周官獸人
云梁水偃也偃水爲關空以笱承其空襄二十五年左
傳規偃豬鄭注周官稻人云偃豬畜流水之陂也荀子
非相篇作隈後漢書董卓傳作隈魏志作堰竝字異而
義同相之言阻遏也說文相木閑也木閑謂之相水偃
謂之相義相近也潛玉篇音七故切廣韻又側伯山賁

二切潛之言迫迤也說文潛所引離水也祖潛聲亦相近

椎杓獨梁也

淮南子繆稱訓若行獨梁高誘注云獨梁一木之水椎也說文椎木上橫木所引渡也漢書武帝紀初椎酒酤韋昭注云以木渡水曰椎謂禁民酤釀獨官開置如道路設木爲椎獨取利也顏師古云椎者步渡橋今之略杓是也玉篇杓杓渡也杓椎聲相近

倚步橋也

爾雅石杠謂之倚郭注云聚石水中以爲步渡杓也或曰今之石橋釋文云今關西呼倚江東呼杓

廟天子五諸侯四卿大夫三士二

王制云天子七廟三昭三穆與大祖之廟而七諸侯五廟二昭二穆與大祖之廟而五大夫三廟一昭一穆與大祖之廟而三士一廟庶人祭於寢禮器云天子七廟諸侯五大夫三士一祭法云王立七廟曰考廟曰王考

廟曰皇考廟曰顯考廟曰祖考廟遠廟為祧有二祧諸
 侯五廟大夫三廟適士二廟官師一廟信十五年穀梁
 傳云天子七廟諸侯五大夫三士二荀子禮論篇云有
 天下者事七世有一國者事五世有五乘之地者事三
 世有三乘之地者事二世漢書韋元成傳云禮王者始
 受命諸侯始封之君皆為大祖以下五廟而迭毀祭義
 曰王者禘其祖所自出以其祖配之而立四廟言始受
 命而王祭天以其祖配而不為立廟親盡也立親廟四
 親親也親盡而迭毀親疏之殺示有終也案廣雅謂
 天子五廟蓋本韋元成說謂諸侯四廟則未詳所據

天子諸侯廟黝堊卿大夫蒼土黹

此莊二十三年穀梁傳文徐邈注云黝黑柱也堊白壁
 也餘見上文黝堊塗也及釋器黹黃也黝黑也下黹與
 黹同黹各本譌
 作攤今訂正

五帝廟蒼曰靈府赤曰文祖黃曰神斗白曰顯紀黑曰元

矩

尚書帝命驗云帝者承天立五府以尊天重象赤曰文
祖黃曰神斗白曰顯紀黑曰元矩蒼曰靈府鄭注云天
有五帝集居大微降精以生聖人故帝者承天立五帝
之府是爲五府唐虞謂之五府夏謂之世室殷謂之重
屋周謂之明堂皆祀五帝之所也赤帝赤熛怒之府名
曰文祖火精炎明文章之祖故謂之文祖周曰明堂黃
帝含樞紐之府名曰神斗斗主也土精澄靜四行之主
故謂之神斗周曰大室白帝白招拒之府名曰顯紀紀
法也金精斷割萬物成故謂之顯紀周曰總章黑帝汁
光紀之府名曰元矩矩法也水精元昧能權輕重故謂
之元矩周曰元堂蒼帝靈威仰之府名曰靈府周曰青
陽以上見隋書宇文愷傳史記五帝紀索隱正義文選
顏延之曲水詩序注初學記太平御覽各
本靈譌作靈斗譌作升矩譌作拒今訂正

獄
犴也夏曰夏臺殷曰羑里周曰囹圄

召南行露傳云獄塽也說文引小雅小宛篇宐犴宐獄
周官射人注引作犴今本作岸韓詩作犴云鄉亭之繫
曰犴朝廷曰獄淮南子說林訓亾犴不可再高誘注云
犴獄也漢書刑法志云獄犴不平竝字異而義同史記

夏紀云桀召湯而囚之夏臺殷紀云紂囚西伯羨里書
大傳作牖里說文囹獄也囹守之也又云囹圜所召拘
罪人也囹與囹同囹圜皆守禁之名囹之言令囹之言
敬也卷四云令敬禁也或但謂之囹張衡周天大象賦
云彼貫索之爲狀寔幽囹之取則是也或但謂之囹晏
子諫篇云拘者滿囹怨者滿朝是也月令省囹囹鄭注
云囹圜所以禁守繫者若今之獄矣正義引月令章句
云囹牢也囹止也所以止出入又引鄭志崇精問曰獄
周曰囹土殷曰羨里夏曰均臺囹何代之獄焦氏荅
日月令秦書則秦獄名也漢曰若盧魏曰司空蔡邕獨
斷云夏曰均臺殷曰牖里周曰囹漢曰獄初學記引
風俗通義云夏曰夏臺殷曰羨里周曰囹囹諸書所記
三代獄名皆傳聞
異辭無正文也

杵謂之桎械謂之桎

杵之言紐也卷三云紐束也說文杵械也後漢書蔡邕
傳論抱鉗杵徒幽裔杵與杵同桎之言鞠也急繫之名
也漢書刑法志當鞠繫者頌繫之顏師古注云頌讀曰
容謂寬容之不桎桎是也桎之言窒械之言礙皆拘止

之名也說文梏手械也桎足械也周官掌囚上罪梏桎而桎中罪桎梏下罪桎鄭衆注云拳者兩手共一木也鄭注云在手曰梏在足曰桎中罪不拳手足各一木耳下罪又去桎說文械桎梏也月令注亦云桎梏今械也然則械爲在手在足之通稱也

園圜廁也

說文廁清也清與園通蘇林注漢書石奮傳引賈逵周官解云隤行清也急就篇云屏廁情溷糞土壤屏與廁通溷與園通說文園廁也淮南子說山訓云譬猶沐浴而抒溷開元占經甘氏外官占引甘氏云天溷七星在外屏南外屏七星在奎南注云天溷廁也外屏所以障天溷也又引甘氏讚云天溷伏作抒廁糞土屏蔽擁障宴溷莫睹宴亦廁也字本作匱又作偃匱與屏皆取隱蔽之義周官宮人爲其井區除其不蠲去其惡臭鄭注云井漏井所以受水潦鄭司農云區路廁也元謂區豬謂鬻下之地受畜水而流之者樂井字疑是井字之譌隸書井或作井因譌而爲井屏古字通屏區謂廁也燕策云宋王鑄諸侯之象使侍屏區莊子庚桑楚篇觀

室者周於寢廟又適其偃旁司馬彪注云偃屏廁也偃與偃同據下文云除其不蠲去其惡臭則以偃爲路廁者是也釋名云廁言人雜廁在上非一也或曰溷言溷濁也或曰圜言至穢之處宜常脩治使潔清也急就篇注云屏僻宴之名也廁之言側也亦謂僻側也

廣雅疏證卷七上終

廣雅疏證卷七下

魏清河張揖撰

高郵王念孫疏證

釋器

盎謂之益

爾雅盎謂之缶郭璞注云益也方言孰謂之盎自關而西或謂之益或謂之盎急就篇孰缶益盎瓌盎壺顏師古注云缶益盎一類耳缶卽盎也大腹而斂口益則斂底而寬上考工記陶人爲益實二彌厚半寸脣寸

甌甌罍缶也

說文缶瓦器所以盛酒漿秦人鼓之以節歌陳風宛邱篇坎其擊缶正義云易離卦九三不鼓缶而歌是樂器爲缶也坎卦六四樽酒簋贰用缶則缶是酒器襄九年宋災左傳曰具粢食備水器則缶是汲水之器然則缶是瓦器可以節樂又可以盛水盛酒卽今之瓦盆也禮器五獻之尊門外缶門內壺君尊瓦甌鄭注云壺大一

題甌

石瓦甌五斗缶大小未聞也正義云以小爲貴近者小則遠者大缶在門外則大於壺矣方言缶謂之甌郭璞注云卽盆也說文虛番也籀文作甌篆文作甌急就篇甌裳甌甌攻嬰盧注云盧小甕竝字異而義同

方言甌陳魏宋楚之間謂之甌自關而西謂之甌其大者謂之甌說文甌俗小甌大口而卑淮南子說林訓云狗彘不擇甌甌而食楚辭七諫云甌甌登於明堂兮周鼎潛乎溪淵說苑反質篇云瓦甌陋器也方言注云今河北人呼小盆爲甌子杜啟反太平御覽引通俗文云小甌曰題甌題猶區區也衆經音義卷六云韻集區方於反區他奚反纂文云區區薄也今俗呼廣薄爲區區關中呼婢區器之大口而卑者與廣薄同義故亦有甌題之名又區區與婢區一聲之轉大口而卑者謂之甌猶下文區區謂之婢矣甌之言區也卷二云區小也說文甌小盆也爾雅甌甌謂之甌郭注云甌甌小甌小甌謂之甌故猶小盆謂之甌也甌與甌題皆小盆而甌題又小於甌故方言云其大者謂之甌

寸士喪禮云新盆槃瓶廢敦重鬲方言釜自關而西或謂之釜或謂之鏡漢書匈奴傳云多齎鑪鏡薪炭說文鏡如釜而大口衆經音義卷二引三倉云鏡小釜也與說文異義未知孰是說文鏡溫器也今俗語謂煮肉爲燒肉卷四云燒煨溫也溫謂之燒故溫器亦謂之鏡矣說文鑪煎膠器也又云釜鏡屬也急就篇鐵鈇鑪釜鏡鑿顏師古注云釜似釜而反骨一曰釜小釜類卽今所謂鍋也字或作釜內則敦牟厄匝鄭注云牟讀曰釜正義隱義曰釜土釜也以木爲器象土釜之形說文鑪三足釜也有柄喙爾雅燧燧也郭注云今之三隅窰燧與鬻聲相近三隅窰謂之燧猶三足釜謂之鬻矣說文鑪土釜也從虍虍聲虍古陶器也鑪各本譌作鑪自宋時本已然故集韻類篇竝云鑪或作鑪案鑪從虍虍聲非從豆說聲鑪乃鑪之譌字非鑪之別體故說文玉篇廣韻俱無鑪字今訂正召南采蘋篇維鈇及釜傳云有足曰鈇鈇之言鈇也爾雅蟪蚘長鈇郭注云小籠鼈長脚者說文鑪屬也或作釜隸省作釜釜與鑪同聲同義而廣雅訓鑪爲釜者古今異字必以此釋彼而其義始明爾雅云輔備也嗟嗟也迺也廣雅云壹弋也煇熱也煇煇也花華也皆以同聲同義之字轉相訓釋鑪

之訓釜亦猶是也各本駮下衍也字今刪鑄之言喬然高也說文鑄侑鼎而長足爾卽今鍋字也說文秦名土釜曰甬從冫聲又云融釜屬也各本甬誤作冫融下又脫釜也二字集韻類篇竝引廣雅甬釜也今據以補正

銷謂之鈹

說文鈹溫器也衆經音義卷十四云鈹似冫上有錄急就篇銅鍾鼎經銷鈹鈹顏師古注云銷溫器也銷與鈹同類故亦可通稱博古圖有漢梁山銷容二斗重十斤元康元年造

錡銷謂之銚鑷

說文銚鑷鑷也衆經音義卷十六引聲類云銚鑷小釜也太平御覽引纂文云秦人以鈗銚爲銚鑷案物形之小而圓者謂之銚鑷單言之則曰銚廣韻銚蜀呼鈗銚也銚者族贏之合聲故銚鑷又謂之銚鑷急就篇注云小釜曰銚鑷是也說文痊小腫也一曰族累病桓六年左傳謂其不疾族蠡也疾蠡與族累同急言之則爲痊

矣爾雅釋木座接慮李郭注云今之麥李齊民要術引
廣志云麥李細小麥李細小故有接慮之名急言之亦
近於座故又謂之銜銜鑷族累接慮一聲之轉皆物形
之小而圓者也玉篇錫銷小釜也太平御覽引魏略云
我梃破汝錫銷邪又引杜預奏事云葉杵曰深槃尉斗
釜釜銜槃錫銷皆民間之急用也說文鑊溫器也讀若
與集韻又音煥此卽
錫銷二字之合聲

案謂之檯

檯各本譌作檯今訂正方言案陳楚宋魏之間謂之檯
自關東西謂之案說文案几屬急就篇楷杆槃案栝問
盤顏師古注云無足曰槃有足曰案所以陳舉食也考
工記玉人案十有二棗栗十有二列鄭注云案玉飾案
也玉案十二以爲列棗栗實於器乃加於案戴先生補
注云案者檯禁之屬儀禮注曰檯之制上有四周下無
足禮器注云禁如今方案隋長局足高三寸此以案承
棗栗上空有四周漢制小方案局足此亦空有足謹案
案之言安也所以安置食器也檯之言寫也說文寫置
物也案亦所以置會器其制蓋如今承槃而有足或方

或圓禮器注言方案說文訓櫜爲圓案是也古人持案以進食若今人持承槃漢書外戚傳云許后朝皇太后親奉案上食是也亦自持案以食若今持酒杯者并槃而舉之鹽鐵論取下篇云從容房闈之間丞拱持案而食是也凡案或以承食器或以承用器皆與几同類故說文云案几屬

孟謂之槃

說文槃承槃也孟音干戈之干各本孟譌作孟玉篇孟公安切槃也廣韻同集韻類篇孟居寒切引廣雅孟謂之槃郭忠恕佩觿云孟槃也字從干祿之干今據以訂正

匾楹謂之棹

說文楹酒器也徐鍇傳云楹之爲言益也說文益覆也成十六年左傳欒鍼使行人執楹承飲造於子重說文棹圓楹也急就篇云樽楹棹梘匕箸簣太平御覽引謝承後漢書云傳車有美酒一棹棹之言卑也說文以爲圓楹廣雅以爲匾楹凡器之名爲棹者皆兼此二義考工記廬人勿兵棹刺兵搏鄭注云齊人謂柯斧柄爲棹

言作械蓋卽匱之假借字也廣韻箴箱屬或作簣是其
例矣方言注云盃所謂伯盃者也太平御覽引典論云
劉表諸子好酒造三爵大曰伯雅中曰仲雅小曰季雅
雅與盃通說文開大開也大栝亦爲開急就篇云櫛杆
槩案栝開盃藝文類聚引李尤杯銘云小之爲杯大之
爲開凡言開者皆大開之貌司馬相如上林賦谿呀谿
閭司馬彪注云谿呀大貌谿閭空虛也郭璞注云皆謂
谷之形容也廣韻啁大笑義竝同也盃與瓊通說見下
條太平御覽引通俗文
云槩杯曰盃或謂之盃

畢醖爵也

爵說見下文一升曰爵下禮運醖畢及尸君非禮也鄭
注云醖畢先王之爵也唯魯與王者之後得用之其餘
諸侯用時王之器而已大雅行葦篇洗爵奠畢傳云畢
爵也夏日醖殷曰畢周曰爵周官量人凡宰祭與鬱人
受畢歷而皆飲之鄭衆注云畢器名引明堂位云爵夏
后氏以瓊殷以畢周以爵鄭注明堂位云畢畫禾稜也
說文畢玉爵也或說畢受六升郊特牲舉畢角注云天
子奠畢諸侯奠角昭七年左傳賂以瑤璽玉攢畢耳杜

預注云罍耳玉爵正義云言耳者蓋此器有耳若今之杯故名明堂位云爵用玉琖仍彫周官量人釋文云琖劉本作蒔字竝與醕同爵謂之醕杯謂之盞一也方言注云盞最小栝也爾雅鍾小者謂之棖李巡注云棖棖也棖蓋竝音側限反其義同

觥卮也

說文卮圓器一名觥所引節飲食內則敦牟卮卮鄭注云卮匝酒漿器應劭注漢書高祖紀云卮鄉飲酒禮器也古以角作受四升古卮字作觥說文觥小卮也玉篇之奠之樂二切又說文膊小卮有耳蓋者玉篇時奠切觥從耑聲膊從專聲專與耑皆小意也故釋詁云耑小也說文車專小謹也專六寸簿也觥各本譌作觥今訂正說文觥小解也海外西經女媧操角觥女祭操俎鄭衆注云角觥解屬急就篇云蠡斗參升半卮觥賈子論誠篇酒二醕醕與觥同玉篇卮小舍也觥直竝音丁案反義相近也

瓠齋蒼瓠瓢也

方言：騶陳楚宋魏之間，或謂之櫛，或謂之瓢。衆經音義卷十八引三倉云：瓢，瓢勺也。說文：瓢，瓢也。周官鬯人：鬯門用瓢。齋杜子春注云：瓢，謂瓢也。漢書東方朔傳：以瓢測海。張晏注云：瓢，瓢也。楚辭九歎：咆騶騶於筐籠。王逸注云：咆，瓢也。騶，瓢也。騶，瓢也。通說文：蓋，蓋也。士昏禮：實四爵，合盃。鄭注云：合盃，破匏也。昏義云：共牢而食，合盃而酌。盃與蓋通。太平御覽引三禮圖云：盃取四升，瓠中破，夫婦各一。瓢，卽方言櫛字也。衆經音義卷十八引廣雅：作瓢音義，瓢從膚聲。虛，虛也。竝從虎聲。是膚與虛同聲，故從膚之字，或從虛。方言注云：今江東通呼勺爲櫛。音義衆經音義云：江南曰瓢。櫛，蜀人言。櫛，漢書王莽傳：立斗獻。顏師古注云：獻音義，謂斗魁及杓末如勺之形也。獻從膚聲而讀爲義矣。

筭豆簾杯落也

方言：梧落陳楚宋衛之間，謂之豆宮。自關而西，謂之梧落。郭注云：盛梧器籠也。說文：答，梧答也。徐錯傳云：答亦籠也。答者，絡也。猶今人言羅落答。竝與落通。卷二云：落居也。杯落亦所以居杯也。說文：筭，筭也。筭與筭通。義。

亦與篚筥
之筥同

篚筥楠櫛贊箸筥也

方言箸筥陳楚宋魏之間謂之筥或謂之篚自關而西謂之楠櫛郭注云盛牝箸贊也篚與篚同篚之言盛受也說見下文篚籠也下說文宋魏謂箸筥爲筥筥與筥通箸筥謂之筥猶刀室謂之削也方言注云今俗亦通呼小籠爲楠櫛急就篇博楹棹櫛上箸贊顏師古注云贊盛上箸籠也玉篇音子短切箸筥謂之贊猶竹筥謂之篚喪大記會粥於盛不盥會於篚者盥鄭注云篚竹筥也

柶匙匕也

說文匕所以比取飯一名柶古者匕或以匕黍稷或以匕牲體吉事用棘匕菘事用桑匕小雅大東篇有球棘匕傳云匕所以載鼎實土昏禮匕俎從設注云匕所以別出牲體也特牲饋食禮記棘心匕刻注云刻若今龍頭少牢饋食禮云雍人概鼎匕俎于雍爨又云廩人概鼈獻匕與敦于廩爨注云匕所以匕黍稷疏云上雍人

云七者所以七肉此廩人所掌未故云七黍稷也少牢
下篇覆二疏七于其土注云疏七七柄有刻飾者又二
手執挑七枋以挹倍注于疏七注云此二七者皆有淺
斗狀如飯操挑長枋可以扃物於器中者雜記挑以桑
長三尺或曰五尺刊其柄於末注云挑所以載牲體者
此謂衷祭也吉祭挑用棘挑與七同太平御覽引三禮
圖云七以載牲體長二尺四寸葉博三寸長八寸棗丹
柄頭疏七形如飯操以棘心爲之案三禮圖記七之長
與雜記不合失之說文柶七也柶有醴柶有銅柶吉事
用角柶喪事用木柶士冠禮側尊一甒醴有篚實勺解
角柶注云柶狀如七以角爲之者欲滑也土喪禮云東
方之饌兩瓦甒其實醴酒角解木柶少牢饋食禮云上
佐食羞兩銅皆有柶三禮圖引舊圖云柶長尺櫛博三
寸曲柄長六寸漆赤中及柄端又周官玉府大裘共角
柶鄭衆注云角柶角七也以楔齒令可飯含士喪禮楔
齒用角柶記云楔貌如輓上兩末疏云此角柶其形與
扱醴角柶別故屈之如輓中央入口兩末向上易出入
也方言七謂之匙後漢書隗囂傳奉盤錯鍤李賢注云
鍤卽

匙字

筭謂之箸

說文箸飯敲也敲音羈太平御覽引通俗文云以箸取物曰敲曲禮云飯黍毋以箸又云羹之有菜者用挾鄭注云挾猶箸也今人或謂箸爲挾提挾與筭同急就篇注云挾所以夾食也

龍疏蒲杓杓也

說文勺挹取也象形中有實考工記梓人爲飲器勺一升士冠禮注云勺尊斗所以斟酒也案勺之言酌斗之言酌也勺之有飾者龍勺疏勺蒲勺是也勺之無飾者禮器之禪杓士喪禮之素勺是也杓與勺同明堂位夏后氏以龍勺殷以疏勺周以蒲勺鄭注云龍龍頭也疏通刻其頭蒲合蒲如冕頭也杓各本譌作科影宋本皇甫本不譌大雅行葦篇酌以大斗傳云大斗長三尺也釋文斗字又作杓都口反徐又音主正義云大斗長三尺尺謂其柄也漢禮器制度注勺五升徑六寸長三尺是也此蓋從大器挹之於尊用此勺耳其在尊中不當用如此之長勺也杓杓所以斟酒亦所以斟水中庸云今夫水一勺之多周官鬯人大鬯之大概設斗鄭注云斗

所以沃尸也喪大記浴水用盆沃水用料士喪禮疏云料受五升方有柄用挹盆中水以沃尸少牢饋食禮司宮設盥水于洗車有料鄭注云料盥水器也凡設水用盥沃盥用料

渾斗謂之柅

卷二云戽扞也說文扞挹也太平御覽引纂文云渾斗扞水斗也廣韻云戽斗舟中業水器也戽與渾同柅曹憲音頤各本柅誤作柅集韻類篇竝引廣雅渾斗謂之柅則宋時廣雅本已誤案說文柅音也音祀柅與柅不同義蓋俗書柅字作柅因譌而為柅釋宮篇歐馱也今本譌作飲正與此同考玉篇柅弋之切船戽斗也廣韻柅船名水斗也御覽引廣雅渾斗謂之柅皆作柅不作柅今據以訂正

焫謂之焫

說文焫旱氣也玉篇焫焫也廣韻焫焫熱也據諸書所訓則焫焫二字當在釋詁熱也一條內今在釋器當別有意義未知所出

嶮缺筥筴也

筴卽筥字也衆經音義卷十五云筥又作筴同力與紀
 與二反古者筥筴同聲周官掌客注云筥讀如棟栳之
 栳大雅以遏徂旅孟子作徂莒皆其證也方言筴南楚
 謂之筥趙魏之郊謂之筥筴郭注云盛餅筥也餅與飯
 同說文筥籍也周頌良邦篇云載筐及筥其饌伊黍是
 筥以盛飯也餘見下文筥筥筥筥也下筥亦與筥同
 太平御覽引纂文云嶮缺大筥也方言注云今建平人
 呼筥爲筥說文籍飯筥也受五升秦謂筥爲籍又云籍
 飯器容五升籍籍竝與筥同士喪禮下篇籍三黍稷麥
 鄭注云籍舂種類也其容蓋與筥同一穀論語子路篇
 斗筥之人鄭注云筥竹器容斗二升與說文異義未知
 孰是論語斗筥竝言則筥與斗不同量文選王命論注
 引漢書音義筥
 受一斗失之

籩籮箕也

箕所以簸揚米而去其糠也方言箕陳魏
 宋楚之間謂之籩說文箕籩也籩大箕也

畎畝區畛畚也

說文畚蒲器也畛屬所曰盛種周官挈壺氏掌挈畚以
令糧鄭眾注云畚所以盛糧之器宣二年左傳真諸畚
杜預注云畚以草索爲之筥屬十一年傳稱畚築注云
畚盛土器襄九年傳陳畚楬注云畚蕢籠士昏禮婦執
筥棗栗鄭注云筥竹器有衣者其形蓋如今之筥筥籩
矣三禮圖引舊圖云筥讀如皮弁之弁畚筥竝從弁聲
畚爲筥屬而筥形如筥筥籩則其命名之意亦同矣玉
篇畎小畚也晉書天文志天栝東七星曰扶筐盛桑之
器主勸蠶也扶與畎通畎之庶反廣韻畎籩也畎之
言貯也所以貯米也說文畛幅也所曰盛米貯與畎聲
近義同說文區田器也又云菝艸田器引論語曰杖何
菝今本作菝包咸注云菝竹器皇侃疏云籬籠之屬也
釋文菝本又作條又作菝竝字異而義同說文帳蒲席
貯也畛幅也杜林以爲竹筥揚雄以爲蒲器讀若駟車
急就篇筥筥籩筥籩籩籩籩籩籩籩籩籩籩籩籩籩籩
盛飯者大曰籩小曰筥籩與畛亦聲近義同

筥籩筥籩也

方言炊箕謂之縮或謂之箕或謂之叵郭注云漉米箕也說文箕漉米籩也太平御覽引纂文云箕斨箕也一日籩魯人謂之浙籩急就篇云箒箒箕箕斨箕玉篇箒盛米具也箕籩漉米竹器也漉與盛同亦作盞說文籩炊箕也玉篇籩或作籩籩方言又作縮縮籩籩籩四字古聲竝相近籩之言縮也漉米而縮去其汁如漉酒然鄭興注周官甸師云束茅立之祭前沃酒其上酒漉下去若神飲之故謂之縮縮浚也郊特牲縮酌用茅鄭注云沛之以茅縮去滓也義竝與籩同周官大宰注云澤無水曰藪澤虞注云水希曰藪義與籩亦相近說文匱盞米籩也集韻匱或作匱方言注云江東呼匱為浙匱匱之言浚也卷二云浚盞也周官注云縮浚也縮籩匱一聲之轉籩之轉爲

猶謂之笊

笊

猶卽今之刷銅帚也說文陳畱謂飯帚曰箒箒之言箒也所以箒去餘飯也考工記輪人注云箒除也聲轉爲笊笊猶洗刷也笊曹憲音素典反各本脫去笊字其素典反之音又誤入下文箒字下集韻類篇箒籩籩典切引

廣雅箚謂之箚則所見已是誤本故以箚字上屬爲句
案箚爲飯帚箚爲箚箚之屬兩物絕不相似且玉篇廣
韻箚字亦不音素典反玉篇箚箚帚也廣韻作洗云箚
帚飯具或作箚是箚與箚異名而同實又玉篇廣韻箚
字竝音蘇典切蘇典與素典
同音今據以訂正餘見下條

箚匠匱箚也

說文箚飯及衣之器也曲禮凡以弓劍苞苴箚箚問人
者鄭注云箚箚盛飯食者圓曰箚方曰箚蘇干二切云
云惟衣裳在箚說文箚竹器也玉篇所間蘇干二切云
竹器似箱而麤曹憲音素管反士喪禮爵弁皮弁緇布
冠各一匱鄭注云匱竹器名今之冠箱也古文匱爲箚
釋文匱箚竝素管反衆經音義卷十五引聲類云箚箱
也喪大記倉粥於盛不盥食於箚者盥注云箚竹筥也
史記鄭當時傳其餽遺人不過算器食徐廣音義云算
音先管反竹器也匱箚算竝與箚同是箚爲箚箚之屬
也玉篇箚又作箚士昏禮注云箚竹器有衣者其形蓋
如今之筥箚矣士昏禮記云箚緇被纁裏案箚以盛
棗栗殿脩亦以盛菜聘禮賓釋幣于禰用以盛幣埋之

褻禮用以盛貝及沐浴巾具見經文匱通作篋篋與筭對文則異散文則通說文篋筭筭也漢律令篋小篋也篋以盛食亦以盛巾櫛士冠禮云櫛實于篋士虞禮云匱水錯于槃中篋巾在其東

匱謂之匱

說文匱匣也匱之言容也說文匱匱也積匱也積與匱同金滕云乃內冊于金滕之匱中聘禮云賈人啟積論語云韞匱而藏諸

匱謂之械

匱之言挾也爾雅云挾藏也說文匱械藏也或作篋士冠禮同篋鄭注云隋方曰篋篋械一聲之轉械之言匱也說文械篋也周官伊耆氏共其杖咸鄭注云咸讀爲匱械咸匱竝通

定謂之耨

說文耨耨器也或作耨呂氏春秋任地篇云耨柄尺此其度也其耨六寸所以開稼也高誘注云耨所以耘苗

也刃廣六寸所以入苗間也齊語挾其槍刈耨耨舊音引賈逵注云耨鉗也管子輕重乙篇云一農之事必有一耨一鉗一鎌一鋤一椎一鎗然後成爲農耨耨耨並同爾雅斫斫謂之定李巡注云定鋤別名案定者斫物之稱今江淮間謂以斧斫物曰釘音帶定反是其義也

耨謂之耨

說文耨大鉏也廣韻云方言云關東名曰鹵斫淮南子兵略訓奮僖耨高誘注云耨斫也六韜軍用篇云柴耨刃廣六寸柄長五尺以上爾雅斫謂之耨郭注云耨也說文作耨字並與耨同

鉞謂之鉞

說文鉞
面屬也

箒筮謂之箒

廣韻箒取鰕竹器也太平御覽引韓詩云九罭之魚罭取鰕箒也又引纂文云箒流水中張魚器也箒與箒同

王篇筌捕魚筍也字亦作荃莊子外物篇云荃者所以在魚得魚而忘荃左思吳都賦筌鮪鱗劉逵注云筌捕魚器今之斗回也

曲梁謂之罟

柳風谷風篇毋逝我梁毋發我筍傳云梁魚梁筍所以捕魚也周官廩人掌以時獻爲梁鄭衆注云梁水偃也偃水爲闕空以筍承其空說文筍曲竹捕魚筍也雷曲梁寡婦之筍魚所雷也或作罟引魯語講眾罟今本作雷韋昭注云雷筍也爾雅云凡曲者爲雷又云媿婦之筍謂之雷釋文雷木或作罟雷罟竝同今人謂取魚具爲魚簍聲亦相近也小雅魚麗篇魚麗于雷若之華篇三星在雷傳竝云雷曲梁也寡婦之筍也曲各本譌作典今訂正

筍霍筭筭也

說文罩捕魚器罩與筭同凡自上籠下謂之罩故淮南子說林訓云罩者抑之罩者舉之說文霍覆易令不得

飛也玉篇音竹教切義與罩同說文籬罩魚者也或作
籬作籬爾雅籬謂之罩李巡注云籬編細竹以爲罩捕
魚也孫炎注云今楚籬也楚籬謂以荆爲之

湔泔梲也

說文梲呂柴木雖水也郭璞江賦云梲澗爲泔梲者叢
積之名哀八年左傳因諸樓臺梲之以棘杜預注云梲
擁也釋文梲本又作荐梲之言荐也韋昭注晉語云荐
聚也小爾雅云魚之所息謂之櫓櫓也積柴水中而
魚舍焉爾雅梲謂之泔郭注云今之作梲者藁積柴木
於水中魚得寒入其裏藏隱因以薄圍捕取之周頌潛
篇潛有多魚毛傳云潛梲也韓詩作泔云泔漁池也淮
南子說林訓梲者扣舟高誘注云梲者以柴積水中以
取魚扣擊也魚聞擊舟聲藏柴下壅而取之也全衮州
人積柴水中捕魚爲梲幽州名之爲泔梲與梲同泔
與潛櫓同湔泔皆壅積之意卷二云湔憤也說文泔憤
也漬積聲相近雨水漸漬謂之湔亦謂之泔柴木壅積
謂之泔亦謂之湔其義一也

罔謂之罟

此罔魚及鳥獸之通名繫辭傳云作結繩而為罔罟以佃以漁是也罔說文作网又作網

罟罟魚罔也

此專謂魚罔也各本罟下行罟罟二字罔上又脫魚字莊子胠篋釋文引廣雅罟魚罔也太平御覽引廣雅罟罟魚罔也今據以訂正說文罟魚罔也罟魚罔也楚辭九歌罟何為兮木上王逸注與說文同莊子胠篋篇云鉤餌網罟罟筍之知多則魚亂於水矣太平御覽引風土記云罟樹四木而張網於水車輓之上下形如蜘蛛之網方而不圓

罟罟罔旃率也

案爾雅於釋諸羅罔之後即云罔謂之救律謂之分二者蓋亦羅罔之屬罔蓋即下文罔謂之輓律即此率字也說文率捕鳥畢也象絲罔上下其竿柄也率與律古同聲說文紛馬尾韜也釋名云紛放也防其放弛以拘

之也紛與分義相近郭注云律管可以分氣則義近於
鑿且於文不類矣說文畢田网也小雅大東篇有抹天
畢傳云畢所以掩兔月令置罟羅網畢翳鄭注云小而
柄長謂之畢呂氏春秋畢翳作畢弋太平御覽引蔡邕
月令章句云掩飛禽曰畢齊語田狩畢弋韋昭注云畢
掩雉兔之網也說文罟罔也史記天官書云畢曰罟車
主弋獵宋玉高唐賦云弓弩不發罟罟不傾揚雄羽獵
賦云罟車飛揚武騎隼皇說文罔下取物縮藏之讀若
箭廣韻罔女滅切捕魚網也罔與罔聲義相近旃亦罔
也玉篇音於業於儼二切廣韻旃掩翳也說文罟罟也
徐錯傳云網從上掩之也司馬相如子虛賦掩翡翠左
思蜀都賦作罟字竝與旃通罟以捕鳥亦以捕魚太平
御覽引風土記云罟如罟而
小斂口從水上掩而取之也

罟罟免罟也

罟

說文罟免罟也罟曹憲音互玉篇廣韻竝同各本罟
作罟音內互字又譌作牙集韻類篇罟牛加切免罔也
則宋時廣雅本已誤考說文玉篇廣韻皆作罟不作罟
今據以訂正玉篇网部未有罟字音牙免罔也乃宋人

依誤本廣雅增入者不可引以為據劉放中山詩話云
 唐人書互為牙牙似牙字因譌為牙凡經史諸子中互
 字多譌作牙從互之字亦然顧氏音學五書辨之詳矣
 畧之言覆也說文畧覆車網也引王風兔爰篇雉離于
 畧或作學又云畧免畧也爾雅覈謂之學學覆車也孫
 炎注云覆車網可以掩免者也郭璞注云今之翻車也
 有兩轆中施胃以捕鳥月令置罟羅網畢翳鄭注云獸
 罟曰置罟高誘淮南子注云罟麋鹿罟也莊子胠篋篇
 削格羅落置罟之知多則獸亂於澤矣釋文罟本又作
 學學罟罟罟竝同罟各本譌作罟惟影宋本皇甫本不
 譌爾雅彘罟謂之羅郭注云羅幕也釋文羅力端反又
 莫潘反本或作罟屮屮反案罟亦幕也羅罟幕一聲之
 轉左思吳都賦罟蹠連網劉逵注云罟麋網也張協七
 命布飛絲張脩罟李善注引廣雅罟免罟也今本脫罟
 字集韻引廣雅罟免罟罟也
 彘字因與爾雅相涉而衍

其胃謂之櫛

胃之言縮也挂也說文纆網也一日縮也玉篇胃挂也
 或作絹周官冥氏掌設弧張鄭注云弧張置學之屬所

以肩絹禽獸文選上林賦絹駮裏李善注引聲類云絹
係取也史記司馬相如傳作胃呂氏春秋上農篇云纆
綱置罕不敢出於門太元翁次八揮其罕絕其絹釋文
云絹挂也綱引獸也竝字異而義同纆之言羅也漢書
司馬相如傳注云絹謂羅繫之也初學記云纆者以綸
爲之見環濟要略案今本其胃謂之纆在兔罟也之下
則是兔罟之胃謂之纆也考諸書言胃纆者皆所以係
取鳥獸不專施於兔罟且此句與下句鞫謂之輓文同
一例則胃上不當有其字明矣太平御覽引廣雅其胃
謂之纆集韻類篇纆字訛作搔云兔胃也則宋初廣雅
本已誤然考初學記云纆者以綸爲之廣雅曰胃謂之
纆則唐時廣雅本尙不誤也又案說文罟罔也玉篇罟
音侮雉罔也罟音某罔也或作罟玉篇廣韻集韻之訓多本廣
集韻罟音某罔也或作罟玉篇廣韻集韻之訓多本廣
雅疑今本其胃謂之纆上脫去罟雉罟也四字其字乃
某字之譌某字即罟字之音既譌爲其字又誤入正文
也但諸書未引廣雅不敢以意增損耳

鞫謂之輓

鈎之言鈎也拘也卷一云鈎鞅牽引也鈎曹憲音衢字
或作鈎爾雅鈎謂之救郭注云救絲以爲鈎或曰亦胃
名胃名之說與上下文相合說見上文畢罕因旃率也
下救與拘聲亦相近鈎謂之救猶云鈎謂之拘鄭注周
官屨人云鈎謂之救著於屨屨之頭以爲行戒釋文救
劉音拘疏云言拘取自拘持是也鈎謂之拘猶云鈎之
言拘鄭注士冠禮云鈎之言拘以爲行戒是也爾雅之
鈎本是胃名而鄭以釋屨頭飾者鈎所以拘持屨頭鈎
所以拘持鳥獸二者不同而同爲拘持之義故其訓同
也凡物之異類而同名者其命名之意皆相近爾雅附
謂之睫謂田器也而鄭注少牢下篇以此釋挑七云挑
謂之畝有淺斗狀如飯操蓋挑七所以畝取倉斛所以
插取土二者不同而同爲插取之義故其訓亦同也

挑陪牒牘扁臉版也

說文版判也判之言片也今人言版片是也釋名云板
版也版販平廣也板與版同爾雅屋上薄謂之筮郭注
云屋竿也筮與挑同古者屋竿亦謂之版楚辭招魂紅
壁沙版元玉梁些王逸注云以丹沙畫飾軒版承以黑

王之梁是也成二年公羊傳踊于楮而闕客何休注云凡無高下有絕加躡板口楮齊人語也楮與陪同方言牀上版衛之北郊趙魏之間謂之牒或曰牒廣韻書版曰牒義與牀版同論衡量知篇云截竹爲筒破以爲牒加筆墨之跡乃成文字是也說文牒牀版也讀若邊牀版謂之牒亦謂之牒簡謂之牒亦謂之牒編其義一也說文牘書版也論衡量知篇云斲木爲藥枿之爲板力加刮削乃成奏牘齊策云取筆牘受言急就篇注云牘木簡也既可以書又可執之以進見於尊者形若今之木笏但不挫其角耳說文牘築牆短版也讀若兪徐錯傳云牆兩頭版也

泰

山

巽著

犧象

樽也

樽字本作尊尊有蓋有足其面有鼻無足者謂之著尊少半饋會禮云啟二尊之蓋每少儀云尊壺者面其鼻是也周官司尊彝掌六尊六彝之位春祠夏禴其朝踐用兩獻尊其再獻用兩象尊秋嘗冬烝其朝獻用兩著尊其饋獻用兩豆尊凡四時之閒祀追享朝享其朝踐用兩大尊其再獻用兩山尊鄭衆注云獻讀爲犧犧尊

飾以翡翠象尊以象鳳皇或曰以象骨飾尊著尊者著
略尊也或曰著地無足壺者以壺為尊大尊大古之瓦
尊山尊山壘也鄭注云山壘刻而畫之為山雲之形明
堂位尊用儀象山壘鄭注云儀尊以沙羽為畫飾象尊
象骨飾之正義引鄭志云儀讀如沙刻畫鳳皇之象於
尊其羽形婆娑然或有作獻字者齊人聲之誤耳又明
堂位泰有虞氏之尊也山壘夏后氏之尊也著殷尊也
儀象周尊也注云泰用瓦著著地無足燕禮公尊瓦大
兩鄭注云瓦大有虞氏之尊也大與泰同瓦大卽禮器
之瓦黹說見前獻瓶也下山壘一名壘尊禮器云君西
酌犧象夫人東酌壘尊魯頌闕宮篇犧尊將將毛傳云
犧尊有沙飾也正義云犧尊以翡翠象尊以象鳳皇或曰
司農云獻讀為犧犧尊飾以翡翠象尊以象鳳皇或曰
以象骨飾尊此傳云犧尊有沙羽飾與司農飾以翡翠
意同阮譙禮圖云犧尊飾以牛象尊飾以象於尊腹之
上畫為牛象之形王肅云將將盛之美也太和中魯郡
於地中得齊大夫子尾送女器有犧尊以犧牛為尊然
則象尊尊為象形也王肅此言以二尊形如牛象而背
上負尊皆與毛鄭義異未知孰是案莊子天地篇云百
年之木破為犧尊青黃而文之淮南子俶真訓云百圍

之木斬而爲犧尊，鑊之以剖剛雜之，以青黃華藻，鑄鮮龍蛇虎豹曲成文章，高誘注云：犧尊猶疏鑊之尊。犧古讀若娑，娑與疏聲相近。明堂位：周獻豆，鄭注亦云：獻疏刻之，然則犧尊者，刻而畫之爲衆物之形，在六尊之中，最爲華美。故古人言文飾之盛者，獨舉犧尊也。魯頌言犧尊將將，亦是盛美之貌。管子形勢解云：將將，鴻鵠貌之美者是也。毛傳云：犧尊有沙飾者，鄭司農云：飾以翡翠，後鄭云：刻畫鳳皇之象於尊，其羽形婆娑然。說雖不同，而同是彫文刻鏤之義，則亦不甚相遠也。至阮謙謂犧尊以牛爲飾，祇因犧字從牛，遂望文生義而創爲此說。案說文：犧，宗廟之牲也。詩曰：以我齊明，與我犧羊，傳曰：雄雞自憚其犧，然則犧者，牲之總名，而六畜之所公共，尊名謂之犧，何以知其必爲牛也？記曰：天子以犧牛，諸侯以肥牛，大夫以索牛，若犧牛，可稱爲犧，則肥牛亦可稱爲肥，索牛亦可稱爲索，乎然，謙之說猶謂尊以牛爲飾，至王肅則謂形如牛而背上負尊，且引齊大夫子尾送女器爲證，於是後人皆信其言，而斥毛鄭諸儒爲臆說。此尤不可以不辯。周官六尊六彝之名，多取諸鳥獸，雞彝、鳥彝、虎彝、雉彝，皆謂畫其形以飾尊。若犧尊爲牛形，則與雞彝、鳥彝、諸彝之制不合，其不可信一也。郊特牲

云宗廟之器可用也而不可便其利也所以交於神明者不可同於所安樂之義也故孔子言犧象不出門嘉樂不野合齊大夫子尾送女安得用宗廟之祭器其不可信二也且犧尊果爲子尾送女之器則其銘內必有子尾之名然後可以辨識既有子尾之名則是子尾家用之尊而非宗廟獻尸之尊其不可信三也據莊子淮南子所云則犧尊皆以木爲之今魯郡所得犧尊在地中七百餘年而完好可以辨識則是金器而非木器其不可信四也然則子尾送女之器本與犧尊無涉特王肅以犧尊爲牛尊故見有器如牛形者卽援以爲證耳宋宣和博古圖所載周犧尊二皆爲牛形則又襲王肅之說而僞爲之者不足深辨也若象尊之制司農謂以象骨飾尊阮謏謂畫象以爲飾經傳旣無明文不敢臆斷王肅謂尊爲象形而背上負尊亦與雞鳥諸彝之制不合不可從也各本疊上脫山字案山疊爲夏后氏之尊故在泰尊之下著尊之上又司尊彝六尊皆有疊諸臣之所胙也司農注云尊以裸神疊臣之所飲也山疊與泰著犧象同爲裸神之尊若但言疊卽與諸臣所飲者無異今補各本又脫犧象二字案上文罍醴爵也龍疏蒲杓也皆并列三代之制此條無獨缺周制之理今

補

紮總鮮支穀絹也

說文絹繒如麥絹釋名云絹經也其絲經厚而疏也經音堅墨子辭過篇云治絲麻掘布絹周官內司服注云素沙者今之白縹也今世有沙穀者名出于此縹與絹同廣韻總細絹也衆經音義卷十三引通俗文云輕絲絹曰總總與縹同太平御覽引何晏九州論云清河縹總房子好縣文選魏都賦縣縹房子縹總清河李善注引廣雅總縹也鮮支一作鮮厄說文縹白鮮厄也衆經音義卷二十一引纂文云白鮮支絹也亦名縹說文穀細縹也釋名云穀粟也其形威威視之如粟也又謂之沙亦取威威如沙也宋玉神女賦動霧縹以徐步兮李善注云穀今之輕沙薄如霧也

縹謂之縹

說文縹井絲繒也釋名云縹兼也其絲細縹數兼於絹也淮南子齊俗訓云縹之性黃染之以丹則赤檀弓布

幕衛也綵幕魯也鄭注
云綵繅也綵讀為綃

紉素也

說文素白致繒也雜記注云素生帛也小爾雅云縞之
麤者曰素釋名云素樸素也已織則供用不復加功飾
也說文紉素也釋名云紉渙也細澤有光渙渙然也齊
策云下宮椽羅紉曳綺縠而士不得以為緣太平御覽
引范子計然云白素出三輔
白紉素出齊魯說文紉素屬

純續絲也

說文純絲也引論語于罕篇今也純漢書王褒傳夫
荷旃被毳者難與道純綿之麗密薛瓊注云純絲也

紉紉繼結紉也

說文紉大絲繒也釋名云紉抽也抽引絲端出細緒也
鹽鐵論散不足篇云繭紉練練者婚姻之嘉飾也說文
紉粗紉也玉篇紉細細也管子立政篇云刑餘戮民不
敢服紉說文紉粗緒也廣韻云繒似布也急就篇絳緹

簠絡綃也

絳紬絲絮縣皇象本絳作縹字竝與纒同說文絳繭滓
往頭也釋名云紬又謂之絳絳挂也挂於杖端振舉之
也急就篇絳緹絳紬絲絮縣顏師古注云紬之尤麤者
曰往繭滓所抽也管子輕重甲篇云則絳絲之籍去分
而斂矣歸曹憲音刮各本歸譌作縣案諸書無謂紬爲
縣者玉篇歸下刮切細紬也集韻又音刮今據以訂正

綱縞緞約練也

說文綃生絲也衆經音義卷十五引通俗文云生絲縞
曰綃簠曹憲音苦木反論衡量知篇云染練布帛名之
曰采貴無染練之治名曰穀麤無染練之治卽所謂生
絲也穀與簠通急就篇緹絡練素帛蟬顏師古注云
絡卽今之生縞也九章算術均輸章云絡絲一斤爲練
絲一十二兩是絡爲生絲也說文簠未練治纒也絡麻
未漚也義與
生絲竝相近

說文練凍縞也釋名云練爛也煮使委爛也綱之言苛
細也字通作阿列子周穆王篇及淮南子脩務訓竝云

衣阿錫曳齊秋高誘注云阿細穀錫細布漢書司馬相如傳被阿錫揄紵縞張注云阿細縞錫細布史記李斯傳阿縞之衣錦繡之飾徐廣音義云齊之東阿縣縞帛所出案徐說失之阿縞皆細縞之名非以其出自東阿而謂之阿縞也楚辭招魂蒻阿拂壁羅幃張些蒻與弱通阿細縞也弱阿猶言弱緜淮南子齊俗訓云弱緜羅紵是也拂猶被也言以弱阿被牀之四壁又張羅幃也王逸注訓蒻爲蒻席阿爲曲隅皆失之縞之言皜皜然也說文縞鮮厄也禹貢厥篚元纁縞傳云縞白縞也高誘注淮南子兵略訓云縞細縞也縞一名細縞釋名云細縞染練爲五色細且縞不漏水也潛夫論浮侈篇云從奴僕妾皆服葛子升越笄中女布細縞綺穀冰紵錦繡下文云縞謂之紵說文白紵縞也急就篇鬱金牛半見紵白紵顏師古注云白紵謂白素之精者其光的灼然也

繡縞統也

說文縞絮也或作統小爾雅云縞絲也絮之細者曰縞禹貢厥篚織縞史記作織絮繡讀爲繡說文繡蠶衣也

淮南子繆稱訓寢闕曝纒高誘注云纒繭也纒謂之繭故以纒著衣亦謂之繭玉藻纒爲繭纒爲袍鄭注云繭袍衣有著之異名也纒謂今之新縣纒謂今纒及舊絮也各本統下脫也字遂與下條相連今補

編緒縹紉條也

說文條扁緒也急就篇注云條一名偏諸織絲縷爲之周官巾車革路條纓五就鄭注云條讀爲條其樊及纓以條絲飾之而五成編緒卽說文之扁緒亦卽急就篇注之偏諸聲轉字異耳漢書賈誼傳爲之縷衣絲履偏諸絲服虔注云加牙條以作履緣也周官屨人爲赤纒黃纒士冠禮黑屨青絢纒純鄭注竝云纒縫中細也淮南子說林訓條可以爲纒不必以紉高誘注云紉亦纒也說文紉圍采條也內則織紉組紉鄭注云紉條也正義云薄闊爲組似繩者爲紉雜記鞞紉以五采注云紉施諸縫中若今時條也荀子富國篇布衣紉屨之士楊倛注云紉條也謂編麻爲之纒繩之屨也

晉草鷄翹葵練譽金幌幃翹塵緣緌紫緌無緌綦綺畱黃

綵也

說文翹尾長毛也急就篇春草鷄翹尾翁濯顏師古注
云春草象其初生纖麗之狀也鷄翹鷄尾之曲垂者言
織刺爲春草鷄翹之形一日謂染彩而色似之蒸縹本
作烝栗急就篇烝栗絹紺緋紅縹釋名云蒸栗染紺使
黃色如蒸栗然也魏文帝與鍾大理書云竊見玉書稱
美玉赤擬鷄冠黃佯蒸栗鬱通作鬱急就篇鬱金半見
湘白勅注云鬱金染黃也太平御覽引南州異物志云
鬱金色正黃輓各本譌作愧今訂正翹塵亦染黃也周
官內司服鞠衣鄭注云鞠衣黃桑服也色如鞠塵鞠與
麴通說文緌帛莫艸染色續漢書輿服志注引徐廣云
緌草名也以染似綠又云似紫蓋莫草本有綠紫二色
故所染之帛各如其草之色也緌通作緌漢書百官表
諸侯王金璽緌綬晉灼注云緌草名也出琅邪平昌縣
似艾可染綠因以爲綬名急就篇縹緌綠紵早紫砒注
云緌蒼艾色也東海有草其名曰莫以染此色因名緌
云此皆謂綠緌也爾雅藐苳草郭注云可以染紫一名
苳戾廣雅釋草云苳苳苳草也周官掌染草注云染草
茅蒐橐蘆豕首紫列之屬劉昌宗讀苳爲戾續漢書輿

服志注引何承天云縵紫色綬此皆謂紫縵也莫與屣
莠通莠與紫通說文莫艸也可呂染畱黃然則莫草所
染又不止綠紫二色矣綦綺蓋謂織綺文如綦也說文
綺文繪也釋名云綺敬也其文敬邪不順經緯之縱橫
也有綦文方文如綦也綦與綦通畱黃之色染與織皆
有男說文莫艸可呂染畱黃此謂染綵也古樂府相逢
行大婦織綺羅中婦織流黃此謂織綵也玉藻
正義引皇侃疏云駢黃之色黃黑畱駢流竝通

衣隱也

白虎通義云衣者隱也裳者障也所以隱形自障蔽也

無追章甫委兒收孱皮弁通天遠游進賢高山方山惠文
建華卻非解豸冠也

白虎通義云冠者禮也所以禮持其髮也帷通作彙說
文冠彙也所呂綦髮弁冕之總名周官弁師注云弁者
古冠之大稱委貌縹布曰冠無追字亦作毋追又作牟
追委兒與委貌同論語先進篇云端章甫周語晉侯端

委以入韋昭注引舊說云衣元端冠委貌續漢書輿服志注云石渠論元冠朝服戴聖曰元冠委貌也士冠禮記委貌周道也章甫殷道也母追夏后氏之道也鄭注云委猶安也言所以安正容貌章明也言以表明丈夫也母發聲也追猶堆也以其形名之三冠皆所常服以行道也釋名云牟追牟冒也言其形冒髮追追然也委貌冠形委曲有貌上小下大也續漢書輿服志云委貌冠皮弁冠同制長七寸高四寸制如覆杯前高廣後卑弁以鹿皮爲之行大射禮於辟雍公卿諸侯大夫行禮者冠委貌執事者冠皮弁冕亦作冕大雅文王篇云常服黼冕史記五帝紀云帝堯黃收純衣內則云有虞氏皇而祭夏后氏收而祭殷人冕而祭周人冕而祭土冠禮記周弁殷冕夏收注云弁名出於槃槃大也言所以自充大也冕名出於撫撫覆也言所以自覆飾也收言所以收斂髮也齊所服而祭也獨斷云冕冠周曰爵弁殷曰冕夏曰收皆以三十升漆布爲之廣八寸長尺二寸加爵冕其上周黑而赤如爵頭之色前小後大殷黑而微白前大後小夏純黑亦前小後大皆有收以持笄上古以布中古以絲漢雲翹樂祠天地五郊舞者服之

說文覓冕也籀文作𦘔或作弁隸作弁白虎通義云弁
之爲言攀也所以攀持其髮也釋名云弁如兩手相合
拊持也以爵韋爲之謂之爵弁以鹿皮爲之謂之皮弁
以韠韋爲之謂之韋弁白虎通義云皮弁者所以法古
至質冠之名也上古之時質先加服皮以鹿皮者取其
文章也士冠禮記三王共皮弁素積注云質不變也周
官弁師王之皮弁會五采玉璽象邸王笄諸侯及孤卿
大夫之皮弁各以其等爲之注云會縫中也璽讀如薄
俗綦之綦綦結也皮弁之縫中每貫結五采玉十二以
爲飾謂之綦邸下祗也以象骨爲之侯伯綦飾七子男
綦飾五玉三采孤綦飾四三命之卿綦飾三再命之大
夫綦飾二玉二采各本皮弁二字誤在解豸之下今訂
正張衡東京賦云冠通天佩玉璽獨斷云通天冠天子
常服漢受之秦禮無文輿服志云通天冠高九寸正豎
頂少邪卻乃直下爲鐵卷梁前有山展筓爲述淮南子
齊俗訓楚莊王通梁組纓太平御覽引高誘注云通梁
遠遊冠也獨斷云遠遊冠諸侯王所服展筓無山禮無
文輿服志云遠遊冠制如通天有展筓橫之於前無山
述漢書雋不疑傳云冠進賢冠帶櫛具劔獨斷云進賢
冠文官服之前高七寸後三寸長八寸公侯三梁卿大

夫尚書博士兩梁千石六百石以下一梁漢制禮無文
輿服志云進賢冠古緇布冠也文儒者之服也公侯三
梁中二千石以下至博士兩梁自博士以下至小吏私
學弟子皆一梁鄭注士冠禮云緇布冠今小吏冠其遺
象也史記朱建傳云衣儒衣冠側注獨斷云高山冠齊
冠也一日側注高九寸鐵爲卷梁不展蒲無山秦制行
人使官所冠今謁者服之禮無文太傅胡公說曰高山
冠蓋齊王冠也秦滅齊以其君冠賜謁者輿服志云高
山冠一日側注制如通天不邪卻直豎無山述展蒲注
引漢書音義云其體側立而曲注漢書五行志云昌邑
王賀見大白狗冠方山冠而無尾獨斷云方山冠以五
采穀爲之漢祠宗廟大子八佾樂五行舞人服之衣冠
各從其行之色如其方之色而舞勇漢書武王子傳冠
惠文冠服虔注云武冠也或曰趙惠文王所服故曰惠
文獨斷云武冠或曰繁冠今謂之大冠武官服之侍中
中常侍加黃金附貂蟬之飾太傅胡公說曰趙武靈王
始施貂蟬鼠尾飾之秦滅趙以其君冠賜侍中輿服志
云武冠一日武弁大冠侍中中常侍加黃金璫附蟬爲
文貂尾爲飾謂之趙惠文冠東京賦冠華秉翟列舞八
佾李善注引獨斷云大樂郊祀舞者冠建華冠獨斷又

云建華冠以鐵爲柱卷貫大珠九枚今以銅爲珠形制似樓簾記曰知天文者冠鵠是也天地五郊明堂八佾舞者服之建華各本譌作連華今訂正獨斷云卻非冠宮門僕射服之禮無文輿服志云卻非冠制似長冠下促宮殿門吏僕射冠之負赤幡青翅燕尾淮南子主術訓楚文王好服解冠楚國效之高誘注云解身之冠如今御史冠漢書淮南王安傳作法冠顏師古注云御史冠也張敞傳秦時獄法吏冠柱後惠文應劭注云今法冠是也獨斷云法冠楚冠也一曰柱後惠文冠高五寸以纒裏鐵柱卷秦制執法服之今御史廷尉監平服之謂之解身太傅胡公說曰左氏傳有南冠而縶者是知南冠蓋楚之冠秦滅楚以其君冠賜御史

羅紒幘也

說文幘幘也髮有巾曰幘釋名云幘幘也下齊眉幘然也急就篇注云幘者韜髮之巾所以整幘髮也常在冠下或單著之獨斷云幘者古之卑賤執事不冠者之所服也孝武帝幸館陶公主家召見董偃偃傳青繡綠幘主贊曰主家庖人臣偃昧舛再拜謁乃賜衣冠引上殿董仲舒止兩書曰執事者皆赤幘知皆不冠者之所服

也元帝額有壯髮不欲使人見始進幘服之羣臣皆隨焉然尚無巾如今半頭幘而已王莽無髮乃施巾故語曰王莽秃幘施屋續漢書與服志云古者有冠無幘其戴也加首有頰所以安物至秦乃如武將首飾為絳襜以表貴賤其後稍稍作顏題漢興續其顏卻揀之施巾連題卻覆之今喪幘是其制也至孝文乃高其顏題續之為耳崇其中為屋合後施收上下羣臣貴賤皆服之繼之言秦也所以秦髮也王篇音邱員切又作冕云小兒帽也廣韻云小幘也土冠禮注云緇布冠無笄者著類圓髮際結項中隅為四綬以固冠今未冠笄者著卷幘頰象之所生也釋文卷去員反與服志云未入學小童幘句卷屋者示尚幼少未遠冒也卷冕繼竝通卷與頰一聲之轉也幘各本譌作幘凡隸書從介從分之字往往譌翻曹憲音芳云反則所見本已譌作幘案諸書無訓幘為幘者幘卽下文帑字乃巾名非幘名也玉篇廣韻幘音介幘也與服志注引晉公卿禮秩云太傅司空司徒著黑介幘介與幘通今據以訂正

假結謂之髻

太平御覽引說文云髻結髮也士冠禮將冠者采衣紒
鄭注云紒結髮也古文紒爲結髻結紒竝通髻通作副
釋名云王后首飾曰副副覆也以覆首也亦言副貳也
兼用衆物成其飾也周官追師掌王后之首服爲副編
次鄭注云副之言覆所以覆首爲之飾其遺象若今步
絲矣編編列髮爲之其遺象若今假紒矣次次第髮長
短爲之所謂髮髡明堂位夫人副禕立于房中鄭注云
副首飾也今之步搖是也如鄭君說則步搖者副之遺
象假結者編之遺象而此云假結謂之髻者副之異於
編次者副有衡笄六珈以爲飾而編次無之其實副與
編次皆取他人之髮合己髮以爲結則皆是假結也鄭
風君子偕老篇副笄六珈毛傳云副者后夫人之首飾
編髮爲之是也後漢書東平憲王蒼傳注云副婦人首
服三輔謂之假紒續漢書輿服志云皇后謁廟假結步
搖簪

箇謂之幌

釋名云箇恢也恢廓覆髮上也魯人曰頰頰傾也著之
傾近前也齊人曰幌飾形貌也士冠禮注云滕薛名箇

爲類續漢書輿服志云太皇太后皇太后入廟剪髮箇簪珥後漢書易桓傳婦人著句決飾以金碧猶中國有箇步搖李賢注云箇字或爲幪婦人首飾也魏志明帝紀注引魏氏春秋云諸葛亮遣使致巾幪婦人之飾以怒宣王方言車枸箕未魏陳楚之閒謂之篋郭注云今呼車子弓爲篋音巾幪覆髮謂之幪車蓋弓謂之篋其義一也

晨辯逗歲幪也

皆未詳

帑巾帥幌幣帑幪巾也

巾者所以覆物亦所以拭物說文巾佩巾也方言幪巾也大中謂之帑嵩嶽之南陳穎之閒謂之帑亦謂之幪郭注云今江東通呼巾帑帑之言墳也爾雅云墳大也說文楚謂大中曰帑內則左佩紛紛幌鄭注云紛紛拭物之中也今齊人有言紛紛者釋文紛紛或作份竝與帑同說文初枕巾也帥幌一字也說文帥佩巾也或作幌召南

野有夙麤篇無感我幌兮士昏禮記母施衿結幌毛傳
鄭注並與說文同幣之言般也方言云般大也說文幣
覆衣大巾也或以爲首幣又云幣禮巾也幌之言蒙也
方言注云巾主覆者故名幌說文幌蓋衣也書大傳下
刑墨幌鄭注云幌巾也使不得
冠飾以恥之也廣韻幣小巾也

帛裱被巾也

方言帛裱謂之被巾郭注云婦人領巾也案裱猶表也
表謂衣領也唐風揚之水篇素衣朱襮毛傳云襮領也
襮與表古同聲故易林否之師云揚水潛鑿使石絜白
衣素表朱遊戲皋沃衣素表朱卽素衣朱襮也帛猶扈
也楚辭離騷扈江離與辟芷兮王逸注云
扈被也被巾所以扈領故有帛裱之稱

承露幘巾覆結也

方言覆結謂之幘巾或謂之承露或謂之覆髮皆趙魏
之間通語也郭注云今結籠是也餘見上文翟幘幘也
下

髡髻謂之幘

玉篇云
面衣也

幘頭帑鬢帶髮帶絡頭幘頭也

方言絡頭幘頭鬢帶髮帶帑幘幘頭也自關而西秦晉
 之間曰絡頭南楚江湘之間曰幘頭自河以北趙魏之
 閒曰幘頭或謂之帑或謂之幘其偏者謂之鬢帶或謂
 之髮帶釋名云帑頭帑鈔也鈔髮使上從也或謂之陌
 頭言其從後橫陌而前也鄭注士喪禮云喪服小記曰
 斬衰髻髮以麻免而以布此用麻布為之狀如今之著
 幘頭矣自頂中而前交於額上卻繞紒也吳越春秋句
 踐入臣外傳越王服犢鼻著襍頭後漢書向栩傳好被
 髮著絳綃頭古陌上桑詩脫帽著帽頭竝字異而義同
 鄭注問喪云今時始喪者邪巾猶頭笄纒之存象也釋
 文猶作禡漢書周勃傳太后以昌絮提文帝應劭曰陌
 額絮也晉灼曰巴蜀異物志謂頭上巾為昌絮帑陌猶
 陌竝通陌與昌一聲之轉卷四云鬢髮髻
 也方言注云鬢帶髮帶今之偏髮幘頭也

覆粹縱裸禪衣也

禪之言單也說文禪衣不重也玉藻禪爲綢鄭注云有衣裳而無裏急就篇注云禪衣似浚衣而褻大方言云禪衣江淮南楚之間謂之裸關之東西謂之禪衣古謂之浚衣又云覆粹謂之禪衣裸亦作襍說文南楚謂禪衣曰襍楚辭九歌遺余裸兮醴浦王逸注云裸禪襦也惜夫論浮侈篇云麀鹿履鳥文組綵裸

禪裕祗裯襜褕也

說文直裾謂之襜褕漢書外戚恩澤表武安侯恬坐衣襜褕入宮不敬免顏師古注云襜褕直裾禪衣也方言襜褕江淮南楚謂之禪裕自關而西謂之襜褕禪裕小爾雅作童容任氏幼植漢衣釋例云釋名襜褕言其襜褕宏裕也方言或謂之童容童容之名卽是襜褕宏裕之義詩漸車帷裳箋云帷裳童容也周禮巾車皆有容蓋鄭司農注亦云容謂擔車山東謂之裳帷或曰幢容後漢書劉盆子傳乘軒車大馬赤屏泥絳襜褕注云襜褕也帷謂之襜褕亦謂之童容直裾禪衣謂之襜褕亦謂之童容其義一也說文祗裯短衣也方言云汗襦自關

而西或謂之祗禡楚辭九辯被荷禡之晏晏兮王逸注云禡祗禡也若禡禡矣後漢書羊續傳云唯有布衾敝禡祗

禡被謂之襪

魏風葛屨篇要之禡之毛傳云禡領也說文同方言襪謂之襪郭注云卽衣領也曲禮天子視不上於袷鄭注云袷交領也玉藻袷二寸注云袷曲領也袷與襪同說文襪襪領也士昏禮注云卿大夫之妻刺黼以爲領如今偃領矣偃與襪通

直袷謂之幅

說見下條

袒飾衰明禡袍禡長襦也

註

內則云衣不帛襦袴說文襦短衣也一日羸衣釋名云襦奕也言溫奕也急就篇注云長衣曰袍下至足跗短

衣曰襦自膝以上一曰短而施要者曰襦漢衣釋例云
吳越春秋越王夫人衣無緣之衣施左闕之襦襦下有
裳則襦爲短衣可知其似襦而長者則特別之曰長襦
史記匈奴傳云繡袷長襦是也直袷亦作直領釋名云
直領邪直而交下亦如丈夫服袍方也漢書景十三王
傳刺方領繡晉灼注云今之婦人直領也繡爲方領上
刺作繡蔽文方言袒飾謂之直袷郭注云婦人初嫁所
著上衣直袷也方言又云衰明謂之袍爾雅袍繡也玉
藻云繡爲繡縵爲袍釋名云袍丈夫著下至跗者也袍
苞也苞內衣也婦人以絳作衣裳上下連四起施緣亦
曰袍義亦然也淡衣釋例云褻大記袍必有表謂之一
稱注袍褻衣必有以表之乃成稱也蓋袍爲淡衣之制
特燕居便服耳故云褻衣若無衣以表之則不成稱續
漢書輿服志云或曰周公抱成王燕居故施袍是袍爲
古人燕居之服自漢以後始以絳紗袍阜紗袍爲朝服
矣念孫案周官玉府注云燕衣服者中絮寢衣袍釋之
屬論語紅紫不以爲褻服秦風無衣正義引鄭注云褻
服袍釋此皆袍爲褻衣之明證也班固竇車騎北征頌
云勞不御輿寒不施褻釋通作澤釋名云汗衣近身受
汗垢之衣也詩謂之澤受汗澤也或曰鄴袒或曰羞袒

作之用六尺裁足覆背言蓋踞於袒而衣此耳秦風
無衣篇與子同袍與子同澤鄭箋云澤褻衣近汗垢襦
或作襦晉書夏統傳服袿襦音義引字林云襦連要衣
也釋名云襦屬也衣裳上下相連屬也荆州謂禪衣曰
布襦亦曰襦禴言其襦禴去裕也雜記注蘭衣裳者若
今大襦也正義云謂衣裳相連而以綿纈著之釋名云
婦人上服曰袿其下坐者上廣下狹如刀圭也朱玉神
女賦云振纈衣被袿裳枚乘梁王菀園賦云袿襦錯紆
連袖方路廣觀爾雅疏並引
廣雅袿長襦也今本脫袿字

禪襦謂之襦

方言汗襦陳魏宋楚之間謂之襦襦或謂之禪襦郭注
云今或呼衫爲禪襦又偏禪謂之禪襦注云卽衫也釋
名云禪襦如襦而無絮也漢書來歙傳注引東觀記云
光武解所被襦襦以衣歙集韻類篇引廣雅禪襦謂之
襦襦連下文襦
字爲句失之

袿作襦謂之禪襦

此條有脫誤
未詳其義

複襦謂之襜

說文複重衣一曰褚衣重衣謂袷衣也褚衣謂衣之有絮者此云複襦是也釋名禪襦如襦而無絮也然則有絮者謂之複襦矣急就篇襜褕袷袷禪禪師古注云褚之以絺曰複古辭孤兒行云冬無複襦夏無單衣是也方言複襦江湖之間謂之襜又云襜褕其短者謂之襜褕說文襜豎使布長襦也襜長於襦而短於襜褕故襜褕亦曰短褕古謂僮僕之未冠者曰豎亦短小之意也列子力命篇朕衣則襜褕釋文引許慎淮南子注云楚人謂袍爲襜荀子大略篇作豎褕豎竝與襜同

複襦謂之裯

此說文所謂重衣也襦與衫同釋名云衫芟也芟末無袖端也方言注以衫爲禪襦其有裏者則謂之裯裯猶重也

襦褙謂之袒腹

襦褙蓋本作兩當鄭注鄉射禮云直心背之衣曰當釋名云襦褙其一當胷其一當背也袒腹橫陌其腹也袒與袒同

繞領帔帟也

說文帟下裳也或作褱釋名云褱羣也連接羣幅也案羣之言團也團繞要下也故又謂之繞領方言繞袷謂之帟郭注云俗人呼接下江東通言下裳袷與領同帔之言披也方言帟陳魏之間謂之帔說文云去農謂帟也

大巾褱褙襜蔽袂也鞞謂之鞞

方言蔽袂江淮之間謂之褱或謂之襜魏宋南楚之間謂之大巾自關東西謂之蔽袂齊魯之郊謂之褱釋名云褱蔽也所以蔽膝前也婦人蔽膝亦如之齊人謂之巨巾田家婦女出至田野以覆其頭故因以爲名也又

曰跪襜跪時襜襜然張也衿襜一字也爾雅衣蔽前謂之襜釋文襜方言作衿同昌占反小雅采芣篇不盈一襜毛傳與爾雅同正義引李巡爾雅注云衣蔽前衣蔽膝也凡言襜者皆障蔽之意衣蔽前謂之襜牀前帷謂之襜車裳帷謂之幪幪謂之幪其義一也漢書東方朔傳館陶公主自執幸敝膝敝膝與蔽同秋鞞一字也說文作市云從巾象其連帶之形易作紱詩作芾禮記作鞞左傳作蔽方言作被易乾鑿度作芾白虎通義作綈竝字異而義同釋本作鞞即蔽膝之合聲蔽鞞鞞又一聲之轉說文筆藩落也引襄十年左傳筆門圭窳爾雅畢堂牆李巡注云厓似堂牆曰畢其謂之畢者皆取障蔽之意與鞞同也齊風載驅篇筆第朱鞞傳云車之蔽曰第義亦與鞞同小雅采芣篇赤芾在股鄭箋云芾太古蔽膝之象也冕服謂之芾其他服謂之鞞以韋爲之正義引乾鑿度注云古者田漁而食因衣其皮先知蔽前後知蔽後後王易之以布帛而猶存其蔽前者重古道不忘本也明堂位云有虞氏服韍夏后氏山股火周龍章鄭注云韍冕服之鞞也舜始作之以尊祭服禹湯至周增以畫文後王彌飾也玉藻云鞞君朱大夫素士爵韋下廣二尺上廣一尺長三尺其頸五寸肩革帶

博二寸注云此元端服之鞶鞶之言蔽也玉藻又云一命緼鞞幽衡再命赤鞞幽衡三命赤鞞蔥衡注云此元冕爵弁服之鞶尊祭服異其名耳鞞之言亦蔽也白虎通義云天子朱紼諸侯赤紼大夫蔥衡士韎鞞

鞶鞶 鞶鞶帶也

說文帶紳也釋名云帶帶也著於衣如物之繫帶也說文紳大帶也玉藻紳長制士三尺有司二尺有五寸鄭注云紳帶之垂者言其屈而重也案對文則紳爲帶之垂者散文則帶亦謂之紳內則端鞶紳注云紳大帶所以自申約是也說文鞶大帶也引訟上九或錫之鞶帶馬融虞翻注竝與說文同太平御覽引某氏注云鞶帶革帶也鞶之言混成也說文鞶織成帶也太平御覽引東觀漢紀云上賜鄧遵金剛鮮卑鞶帶一具後漢書南匈奴傳云遺單于童子佩刀鞶帶各一曹植七啟云鞶佩綢繆或彫或鎔鞶曹憲音哀各本脫去鞶字其音內哀字又誤入正文玉篇廣韻鞶古本切帶也今據以訂正方言厲謂之帶小雅都人士傳云厲帶之垂者玉篇鞶馬帶也

作胡淡衣袂圍以應規注云謂胡下也釋名云襜褕衣之無胡者也言袖夾直形如溝也胡者下垂之名人頌下謂之胡朝頸下謂之胡衣掖下謂之襲其義一也集韻引埤倉云袂衣袖也釋名云袂掣也掣開也開張之以受臂屈伸也史記貨殖傳云齊冠帶衣履天下海岱之間斂袂而往朝焉雷侯世家云陛下南鄉稱霸楚必斂衽而朝衽亦袂也列女傳魯季敬姜云文伯引衽攘捲而親饋之廣韻標袖端也又云補袖標袂也玉篇衽衣袂也

衽袂袂衽也

衽謂衣中也字通作身喪服記衣二尺有二寸鄭注云此謂袂中也言衣者明與身參齊疏云衣即身也衽通作躬續漢書五行志云獻帝建安中男子之衣好為長躬而下甚短

襖袖袖衽襖袂也

竝見上注

稍謂之
粘

方言稍謂之粘廣韻稍衣衽也方言襖謂之粘郭注云
卽衣衽也各本脫謂之二字集韻類篇引廣雅稍粘衽
謂之襖襖讀至下文衽字絕句則
宋時廣雅本已誤今據方言訂正

衽謂之襖

方言襖謂之衽郭注云衣襟也或曰裳際也說文衽衣
衽也釋名云衽禱也在旁禱禱然也玉藻淡衣衽當旁
鄭注云衽謂裳幅所交裂也凡衽者或殺而下或殺而
上衽屬衣則坐而放之屬裳則縫之以合前後上下相
變淡衣續衽鉤邊注云續猶屬也衽在裳旁者也屬連
之不殊裳前後也說文襖衽也爾雅衣襖謂之視郭注
云衣縷也齊人謂之舉釋文縷又作襖衣
襖謂之衽猶機縷謂之衽說文衽機縷也

衽衽衽膝也

玉篇衽膝袞衽也衽曹憲音七益反字從衣束聲束音
刺各本譌從束今訂正玉篇衽衣衽也說文衽衽也徐

錯引字書云衿補袷
袷也說文衿衣衿也

寢衣衾鞞被也

釋名云被被也所以被覆人也說文被寢衣長一身有
半論語鄉黨孔傳云寢衣今之被也召南小星傳云衾
被也說文云大被也釋名云衾
广也其下廣大如广受人也

褹謂之袴

袴或作袴內則云衣不帛褹袴說文袴脛衣也釋名云
袴跨也兩股各跨別也方言袴齊魯之間謂之褹或謂
之褹關西謂之袴說文褹袴也引昭二
十五年左傳徵褹與褹褹褹並同

其裙謂之褹

方言注云今俗呼袴跨爲褹又無裙之袴謂之褹注云
裙亦褹字異耳說文褹袴跨也徐錯傳云跨足也案今
人言袴脚或言袴管是也管與裙同各本脫去褹
字集韻類篇並引廣雅袴其裙謂之褹今據補

之言係也係亦衣也故衣甲者謂之係介月令措之于參係介之御閒鄭注云係猶衣也說文襦絰也引小雅斯干篇載衣之襦今本作襦毛傳云襦襦也釋文襦韓詩作襦竝字異而義同

緊裕褱次衣也

方言緊裕謂之褱郭注云卽小兒次衣也次卽今涎字說文褱次裏衣也

襦襜襜褕也

玉篇褕小兒衣也李奇注漢書宣帝紀云絰小兒大藉也藉與褕通說文襦襜也玉篇又作襦云藉也說文襜襜也襜襜與襜褕同廣韻襜小兒藉也

袷謂之襦襦謂之裏

爾雅執衽謂之袷扱衽謂之襦周南采芣芣薄言袷之毛傳與爾雅同此云袷謂之襦襦謂之裏與爾雅毛傳異義蓋本於三家也列女傳蔡人之妻云采采芣苢之草雖甚臭惡猶始於採采之終於懷襦之說

與廣雅同結各本譌作袷今據曹憲音訂正
管子輕重戊篇丁壯者胡九操彈胡與糊通

幪吧襜褕帟幪也

此皆巾屬所以覆物者也方言襜褕謂之幪郭注云卽
吧幪也說文幪蓋幪也管子小稱篇云乃援素幪以裹
首而絕呂氏春秋知化篇云乃爲幪以冒面而外幪與
幪同廣韻引通俗文云帟三幅曰吧吧衣襪也玉篇帟
巾也各本幪下脫也字遂與下條相連集韻類篇幪吧
襜褕四字注竝引廣雅幪也則宋時廣雅本已脫也字
衆經音義卷十八二十一竝
引廣雅吧幪也今據以訂正

帷幔幪幕帟帳也

說文帳張也史記漢書或通作張周官幕人掌帷幕幪
帟綬之事鄭注云在旁曰帷在上曰幕幕或在地展陳
于上帷幕皆以布爲之四合象宮室曰幪王所居之帳
也帟主在幕若幪中坐上承塵幪帟皆以繒爲之凡四
物者以綬連繫焉說文幔幕也司馬相如長門賦云張
羅綺之幔帷兮爾雅幪謂之帳郭注云今江東亦謂帳

爲幃釋文幃本或作幃說文作幃云幃幃也楚辭招魂云羅幃張些檀弓君於士有賜布鄭注云布幕之小者所以承座布各本譌作奕今訂正卷二云幃幔幕覆也釋名云帷圍也所以自障圍也幕幕絡也在表之稱也小幕曰布張在人上奕奕然也幔漫也漫漫相連綴之言也帳張也張施於牀上也

幌幃幃也

說文幃帷也釋名云幃廉也自障蔽爲廉恥也字或作簾觀禮疏引禮緯云天子外屏諸侯內屏大夫以簾士以帷太平御覽引通俗文云障牀曰褱釋名云牀前帷曰褱言褱褱而垂也新序雜事篇云不出褱幃而知天下褱與幃同爾雅衣蔽前謂之褱褱與幌皆障蔽之名幃謂之幌亦謂之褱屋招謂之幌亦謂之褱幌與幌而義同也

髮謂之髻

說文髻髻髮也又云晉古文百也象髮髮謂之髻髻即也案隸作川川與髻古同聲故云髻即也士

喪禮云中柩髻爪埋于坎喪大記云君大夫髻爪實于
絲中土埋之鄭注髻亂髮也髻之言齋齋然也說文齋
亂也引昭二十四年左傳王室日瘞瘞焉今本作齋漢
書天文志有黑雲狀如森風亂髻衆經音義卷十五引
韋昭
音齋

髻 謂之髻

說文髮易髮也髻髮也或作髻釋名云髮被也髮少者
得以被助其髮也髻剔也剔刑人之髮爲之也周官追
師掌王后之首服爲副編次鄭注云次次第髮長短爲
之所謂髮髻少牢饋食禮主婦被錫鄭注云被錫讀爲
髮髻古者或剔賤者刑者之髮以被婦人之紒爲飾因
名髮髻焉召南采芣篇被之僮僮鄭箋亦以爲髮髻鄭
風君子偕老篇鬢髮如雲不屑髻也哀十七年左傳公
見己氏之妻髮美使髡之以爲呂姜髻鄭箋杜注竝云
髻髮也各本
脫髻字今補

扉履麤鳥屨鞞不借鞞角鞞屣薄平鞞屨也

說文履足所依也方言屏履麤履也徐充之郊謂之屏
自闕而西謂之屨中有木者謂之複舄自闕而東謂之
複履其庫者謂之靴下禪者謂之鞮絲作之者謂之屨
麻作之者謂之不借粗者謂之屨東北朝鮮洺水之間
謂之鞞角南楚江沔之間總謂之麤西南梁益之間或
謂之屨或謂之屨屨其通語也徐土邳折之間大麤謂
之鞞角釋名云齊人謂草屨曰屨傳四年左傳共其資
糧屏屨杜預注云屏草屨也忝服傳菅屨者菅菲也菲
與屏通釋名云屨拘也所以拘足也周官屨人掌王及
后之服屨爲赤舄黑舄素屨葛屨鄭注云複下曰舄禪
下曰屨凡屨舄各象其裳之色士冠禮曰元端黑屨素
積白屨爵弁纁屨是也說文麤艸屨也麤與麤通釋名
云屨荊州人曰麤絲麻草皆同名也麤指也言所以
安搯足也急就篇屨屨繫麤贏婁貧顏師古注云麤者
麻糞雜屨之名也王褒僮約云織屨作麤廣韻屨有頸
曰屨方言注云屨字或作屨喪服傳繩屨者繩菲也鄭
注云繩菲今時不借也鹽鐵論散不足篇云綦下不借
鞮鞣革舄急就篇云裳韋不借爲牧人釋名云不借言
賤易有宐各自蓄之不假借於人也齊人云搏腦搏腦
猶把鮮麤貌也案釋名以搏腦爲麤貌是也搏腦疊韻

字轉之則爲不借非不假借於人之謂也說文緝字注云一曰不借緝周官弁師注作薄借褻薄借卽搏脂也齊民要術引四民月令云十月作白履不借不借卽不借也說文鞞角鞞屬也方言注云鞞角今漆履有齒者釋名云仰角履上施履之名也行不得蹶當仰履角舉足乃行也急就篇云鞞鞞叩角褐鞞巾仰叩竝與鞞通鞞玉篇音似足切鞞也廣韻云白鞞鞞也說文鞞屬也躡舞履也或作鞞孟子盡心篇舜視棄天下猶棄敝也趙岐注云躡草履可躡者也呂氏春秋長見篇視釋天下若釋躡觀表篇作舍屣竝字異而義同說文鞞革履也急就篇注云鞞薄革小履也周官鞞鞞氏注云鞞讀如履鞞履四夷舞者所屏也今時倡蹋鼓杏行者自有屏曲禮注云鞞履無絢之屏也

其緣謂之無縑

上文云無縑縑也然則履緣謂之無縑亦謂以采絲爲緣也周官履人爲赤縑黃縑鄭衆注云以赤黃之絲爲

下

其紿謂之綦

紿之言禁也履系謂之紿衣系謂之紿佩系謂之紿其義一也紿綦一聲之轉綦之言戒也戒亦禁也履系謂之綦車下秩謂之綦其義一也說文紿字注云一日不倍紿周官弁師注作薄俗綦士喪禮組綦繫于踵注云綦履係也所以拘止履也綦讀如馬絆綦之綦內則云履著綦

鞮鞢鞞鞣鞞屨也

屨或作鞞釋名云鞞跨也兩足各以一跨騎也趙武靈王始服之鞮鞢鞞鞣皆疊韻字也王篇鞮字注云鞮鞢屨也鞮各本譌作鞞今訂正釋名云鞞鞞之缺前雍者也鞞鞞猶速獨足直前之名也急就篇云旃裘鞞鞞釋名云鞞韋屨淡頭者之名也報襲也以其淡襲覆足也急就篇鞞鞞印角褐鞞巾顏師古注云報謂韋屨頭淡而兌平底者也今俗呼謂之跣子

屨屨屨也

說文屨履也屨屨也釋名云屨躡也出行著之躡躡輕便因以爲名也屨楛也爲兩足楛以踐泥也史記平準書集解引韋昭漢書注云屨草履也衆經音義卷十四引三倉云屨木屨也莊子天下篇以跂躡爲服跂躡與屨屨同方言屨西南梁益之間或謂之屨說文屨屨也一日青絲頭屨也讀若阡陌之陌從糸戶聲各本屨作屨因屨屨屨諸字而誤今訂正屨已見上文

鞞謂之編

玉篇編屨底編也鞞編鞞也集韻引字林云鞞刺屨底也

緡縷絞也

方言緡縷絞也關之東西或謂之緡或謂之縷絞通語也郭注云謂屨中絞也

縵縷縵也

方言縵謂之縵郭注云謂縵縵也說文縵縵也縵布縵也孟子滕文公篇彼身織屨妻辟縵趙岐注云緝縵其

麻曰辟練

麻曰縿

草謂之衰

說文衰艸雨衣秦謂之草越語云譬如衰笠時雨既至必求之經傳或從艸作蓑說文草雨衣一日衰衣齊語身衣襪襪韋昭注云襪襪蓑蓑衣也薜與草同六韜農器篇云蓑薜笠笠

笠謂之笠

說文笠笠無柄也笠笠蓋也急就篇注云大而有所執以行謂之笠小而無把首戴以行謂之笠吳語笠笠相望於艾陵韋昭注云笠笠備雨器也史記虞卿傳云躡屣擔笠笠與笠對文則異散文則通故士喪禮下篇注云笠竹篋蓋也淮南子說林訓云或謂笠或謂笠名異實同也

幢謂之幘

方言翻幢翳也楚曰翻關西關東皆曰幢說文翳翳也所以舞也引陳風宛邱篇左執翳今本作翻爾雅翳

也。繡翳也。郭注云：今之羽葆幢舞者，所以自蔽。翳釋名云：翳，陶也。其貌陶陶，下垂也。鄉射禮記云：君國中射，則以翳旌。獲白羽與朱羽，綵周官鄉師及莽執繡以與匠師御。匱而怡，役鄭注云：雜記曰：匠人執翳以御。柅，翳羽葆幢也。以指麾，輓柅之役，正其行列，進退翳翳，翳同。繡與翳，古亦同聲。釋名云：幢，童也。其貌童童然也。韓非子大體篇云：雄駁不創壽於旗幢。

幟謂之幟

淮南子：凡論訓隆衝以攻，渠幟以守。高誘注云：幟，幟也。所以禦矢也。兵略訓云：雖有薄縞之幟，腐荷之櫓，然猶不能獨穿也。齊策云：攻城之費，百姓理。澹，蔽舉衝櫓。澹與幟通。幟者，蔽也。說見上文。澹，蔽郤也。下幟之言，扞蔽也。衆經音義卷十四引倉頡篇云：布帛張車上爲幟。釋名云：幟，憲也。所以禦熱也。幟謂之幟，車幔謂之幟，車裳帷謂之澹。其義一也。

籛，籛，籛也

月令置罟羅網畢翳鄭注云翳射者所以自隱也新序
雜事篇云弋者脩其防翳說文嚴籟射苑也嚴與籟通宣
元帝紀嚴籟池田晉灼注云嚴籟射苑也嚴與籟通宣
帝紀詔池籟未御幸者假與貧民服虔注云籟在池水
中作室可用棲鳥身入中則捕之孫曹憲音廩古通作
廩管子戒篇云桓公弋在廩韓非子外儲說云齊宣王
問弋於唐易子曰弋者奚貴唐易子曰在於謹廩徐爰
注射雉賦云廩翳中盛飲倉處今俗呼翳名曰倉也

腰徽幟帶帛幟幟也

太平御覽引說文幟識也古今注云信幟古之徽號也
所以題表官號以爲符信故謂爲信幟也字亦作旛釋
名云旛幟也其貌幟然也幟之言表也說文幟識也
周官肆師表盞盛告絜鄭注云故書表爲剽剽表皆謂
徽識也後漢書皇甫嵩傳著黃巾爲標幟表剽標幟並
通說文徽識也呂絳徽帛著于背引昭二十一年左傳
揚徽者公徒今本作徽大傳殊徽號鄭注云徽號旌旗
之名也徽或作禕張衡東京賦戎士介而揚揮薛綜注
云揮爲肩上升幟如燕尾者也徽徽禕揮竝通周官司
常注云徽識所以題別衆臣樹之於位朝者各就焉或

謂之事或謂之名或謂之號三者旌旗之細也土喪禮日爲銘各以其物亾則以緇長半幅頰末長終幅廣三寸書銘於末此蓋其制也徽識之書則云某某之事某某之名某某之號今大閱禮象而爲之兵凶事若有外事者亦當以相別也幟之言題署也廣韻幟標記物之處也說文隸人給事者衣爲卒卒衣有題識者又云褚卒也方言南楚東海之間卒謂之褚郭注云言衣赤也衣赤謂之褚以絳徽帛謂之幟其義一也司常注云今城門僕射所被及亭長著絳衣皆徽識之舊象是其證矣說文翦幡識也又云箋表識書也箋與翦亦同義帛讀若抑各本譌作帛今訂正幟之言識也墨子旗幟篇云幟竿長二丈五帛長丈五廣半幅小雅六月篇織文易章鄭箋云織徽織也土喪禮注引檀弓云以从者爲不可別茲以其旗識識之史記叔孫通傳云張旗志幟織識志

竝通

裒謂之裘

說文帙書衣也或作裘後漢書楊厚傳云吾綈裘中有先祖所傳祕記書衣謂之裘故小彙亦謂之裘內則云

右佩箴管線續施繁表玉篇帙小囊也說文哀書囊也
哀者纏裹之名文選西都賦哀以藻繡李善注引說文
哀纏也

幃謂之勝

說文勝囊也後漢書儒林傳序云大則連爲帷蓋小乃
制爲勝囊勝與勝通說文幃囊也楚辭離騷蘇糞壤以
充幃兮王逸注云幃
謂之勝勝香囊也

帑囊乾囊也

大雅公劉篤于囊于囊毛傳云小曰囊大曰囊史記陸
賈傳索隱引埤倉云有底曰囊無底曰囊囊與囊對文
則異散文則通故說文云囊囊也囊囊也帑之言卷束
也說文帑囊也今鹽官三斛爲一帑又說文囊囊也玉
篇音哀囊亦帑也猶衰衣之衰或作卷矣玉篇乾大多
切馬上連囊也今俗語亦謂馬上連囊曰乾音大佐反

綯謂之纏

說文續援臂也玉篇云收衣袖紮也說文紮攘臂繩也淮南子原道訓短袂攘卷以便刺舟卷與紮攘與續竝

聲近義同

鑑謂之鏡

梳枇篋櫛也

說文櫛梳比之總名也櫛之言節也其齒相節次也考工記作櫛同說文梳理髮也釋名云梳言其齒疏也史記匈奴傳索隱引倉頡篇云靡者爲比麤者爲梳急就篇云鏡鏡疏比各異工疏比與梳枇同釋名云梳之數者曰比言細相比也北堂書鈔引崔寔政論云無賞罰而欲世之治猶不畜梳枇而欲髮之治也說文篋取髮也

槃謂之斝

玉篇釵婦人岐笄也釋名云叉枝也因形名之也宋玉諷賦翡翠之釵釵又竝與斝通

笄髻笄簪也

說文先首笄也俗作簪先簪竝與簪同釋名云簪梳也
以梳連冠於髮也士喪禮注亦云簪連也說文笄簪也
釋名云笄係也所以拘係冠使不墜也凡笄有二類一
爲冕弁冠之笄唯男子有之士冠禮皮弁笄爵弁笄之
屬是也一爲安髮之笄男子婦人皆有之內則子事父
母婦事舅姑皆櫛緹笄總是也鄒風君子偕老篇象之
掃也毛傳云掃所以摘髮也魏風葛屨篇云佩其象掃
掃與髻通釋名云掃摘也所以摘髮也說文櫛搔也君
子偕老正義云以象骨搔首因以爲飾故云所以摘髮
說文體骨櫛之可會髮者喪服記注云笄有首者若今
時刻鏤摘頭矣摘櫛掃竝與髻同義笄笄一聲之轉太
元嘗上九男子折笄婦人易笱笱與笄同范望注以笱
爲笄飾失之

幬幬謂之幬

廣韻引埤倉云幬幬赤紙也漢書外戚傳赫蹏書應劭
注云赫蹏薄小紙也顏師古注云今書本赫字或作擊

說文繫纜二字注竝云繫纜也赫蹏擊蹏繫纜竝與纜
纜同玉篇柞柞纜也皇甫本纜字作絃下文絃索也絃
字作纜前後互誤各本絃字
又誤作絃惟影宋本不誤

滕絮緘絛纜緝秩纏絃糜糾縑繪縵微纏絢筭繩索
也

說文滕緘也鄭注金滕云滕束也秦風小戎篇竹閉緘
滕毛傳云滕約也魯頌閟宮篇朱英綠滕傳云滕繩也
莊子胠篋篇攝緘滕釋文滕向崔本作勝急就篇纍橋
繩索絞紡纏縞一作綃綃與縞同義文選海賦維長綃
挂帆席張鈇注云綃連帆繩也義與縞亦相近說文緘
束篋也喪大記大夫士封以咸鄭注云咸讀爲緘今齊
人謂棺束爲緘繩咸或爲械竝字異而義同釋名云棺
束曰緘緘函也各本緘下行也字莊子胠篋釋文引廣
雅緘滕繩也衆經音義卷十六引廣雅滕繩也卷十一
十六竝引廣雅緘索也今據以訂正繼糾二字說見卷
二繼糾係也下絃說見卷三絃束也下廣韻纜綱繩也
集韻云荆州謂帆索曰纜方言車枸篋其上約或謂之

箕郭注云卽牽帶也音覓箕與纜同義玉篇絜索也古
作鉄方言車下鉄陳宋淮楚之間謂之畢玉篇鉄帆索
也義亦與絜同絜之言亘也說文絜大索也卷二云糜
係也後漢書魯恭傳注引倉頡篇云糜牛絜也說文糜
牛絜也或作移史記司馬相如傳羈糜勿絕索隱引漢
官儀云馬曰羈牛曰糜漢書匈奴傳作羈靡竝字異而
義同說文絜呂繩有所縣鎮也引襄十九年左傳夜絜
納師又僖三十年傳夜絜而出杜注云絜縣城而下也
今俗語亦謂以繩有所縣鎮曰絜絜之言重腿也成六
年傳於是乎有沈溺重腿之疾注云重腿足腫也方言
注云槌縣蠶薄柱也義與絜竝相近方言云槌之橫者
未魏陳楚江淮之間謂之帶所以縣帶關西謂之檢東
齊海岱之間謂之縵卷三云徽束也說文徽三糾繩也
縵索也坎上六係用徽纏馬融注云徽纏索也劉表注
云三股曰徽兩股曰纏揚雄解嘲云免於徽索莊子駢
拇篇云約束不以纏索史記南越尉佗傳云成敗之轉
譬若糾墨縵纏墨竝通幽風七月篇云宵爾索綯爾雅
綯絞也絞亦索也急就篇云纍縞繩索絞紡纆是也方
言車紉自關而東周洛韓鄭汝潁之間或謂之曲綯注
云綯亦繩名小爾雅縞索也縞與綯同索謂之綯猶縞

絲繩謂之條矣筴亦絞也說文筴竹索也漢書溝洫志
事長菱兮湛美玉薛瓚注云竹葦紐謂之菱菱與筴通
其草索亦謂之菱墨子尚賢篇云傅說被褐帶索辭過
篇云古之民未知爲衣服時衣皮帶菱菱亦索也纍之
言係纍也說文纍大索也論語公冶長篇雖在縲維之
中孔傳云縲黑索也史記仲尼弟子傳作果漢書司馬
遷傳作纍竝
字異而義同

縲絡纒也

方言縲自關而東周洛韓魏之間謂之縲或謂之絡關
西謂之縲郭注云汲水索也說文縲汲井繩也縲纒也
襄九年左傳云具縲缶備水
器士喪禮云管人淚不說縲

縲纒絡也

凡繩之相連者曰絡莊子胠篋篇云削格羅落置罟之
知多落與絡同縲與纍同說見士文纍索也下縲各本
譌作縲今訂正縲之言箱也漢書揚雄傳虹蜺爲縲韋
昭注云縲縲上繫也蕭該音義云案說文字林三倉竝

則轉非車名集韻引廣雅作轉玉篇廣韻俱無轉字所未詳也史記秦始皇紀棺載輜涼車中涼與輜通漢書霍光傳載充尸柩以輜輅車注文穎曰輜輅車如今輜輅車也孟康曰如衣車有窗牖閉之則溫開之則涼故名之輜輅車也薛瓚曰秦始皇道崩祕其事載以輜輅車百官奏事如故此不得是輜車類也案杜延年奏載霍光柩以輅車駕大廐白虎駟以輜車駕大廐白鹿駟爲倅師古曰輜輅本安車也可以臥息後因載輅飾以柳絮故事遂爲輅車耳輜者密閉輅者旁開窗牖各別一乘隨事爲名後人既專以載輅又去其一總爲藩飾而合二名呼之耳案薛顏二說是也說文輜臥車也輅臥車也韓非子外儲說云有乘輜車至李史門者宋玉九辯云前輕輅之鏘鏘兮後輜乘之從從然則輜輅各爲一車而非輅車明矣玉篇輜輅兵車也輅亦作輜墨子備城門篇有輜輅車孫子謀攻篇脩櫓輜輅魏武帝注云輜輅者輜牀也其下四輪從中推之至城下文選長楊賦碎輜輅李善引服虔注云輜輅百二十步兵車或可寢處輅通作萃周官車僕掌萃車之萃注云萃猶屏也所用對敵自蔽隱之車也孫子入陳有萃車之陳故書萃作平杜子春云平車當爲輅車其字當爲萃列女

傳齊孝孟姬曰妾聞妃后踰闕必乘安車輜耕今立車
無耕非所敢受命也後漢書梁冀傳注引倉頡篇云耕
衣車也定九年左傳正義引說文云輜耕衣車也前後
有蔽釋名云輜車載輜重臥息其中之車也輜廁也所
載衣物雜廁其中也耕車耕屏也四面屏蔽婦人所乘
牛車也輜耕之形同有邸曰輜無邸曰耕說文輜衣車
也漢書王莽傳云此似輜車非僊物也釋名云輜衣車
車曰輜輜耳也縣於左右前後銅魚搖絞之屬耳耳然
也輜與輻同說文輜小車也釋名云輜車輜遙也遙遠
也四向遠望之車也齊語服牛輜馬韋昭注云服牛車
也輜馬車也管子海王篇云行服連輜輦者必有一斤
一鋸一椎一鑿若其事立如淳注漢書高祖紀云律四
馬高足爲置傳四馬中足爲馳傳四馬下足爲乘傳一
馬二馬爲輜傳輦者輿載之名說見卷二輦載也下周
官鄉師正治其徒役與其輦輦注云輦駕馬輦人輦行
所以載任器也止以爲蕃營司馬法曰夏后氏謂輦曰
余車殷曰壺奴車周曰輜輦輦一斧一斤一鑿一耜一
鈕周輦加二版二築又曰夏后氏二十人而輦殷十八
人而輦周十五人而輦宣十二年左傳正義云蔽前後
以載物謂之輜車載物必重謂之重車人輦以行謂之

輦輜重輦一物也巾車連車組輓注云連車爲輪輪人
輓之以行連輿輦通輦之言連也連者引也引之以行
故曰輦孟子流連荒亡趙岐注云連者引也淮南子覽
冥訓云若以磁石之能連鐵也而求其引瓦則難矣暢
輓通作陽遂晉書輿服志陽遂車駕牛蓋本於魏制也
明堂位鸞車有虞氏之路也鈎車夏后氏之路也注云
鸞有鸞和也鈎有曲輿者也鈎與鈎通柳各本譌作柳
惟影宋本不譌釋名云輿棺之車其蓋曰柳柳聚也衆
飾所聚亦其形僂也士喪禮下篇注云載柩車周禮謂
之輿車雜記謂之輿其車之輿狀如牀中央有轅前後
出設輅輿上有四周下則前後有軸以輅爲輪雜記注
云將葬載柩之車飾曰柳周官縫人衣袷柳之材注云
柳之言聚諸飾之所聚檀弓設奠袷注云奠袷棺之牆
飾荀子禮論篇云無輅絲葛縷袷其類以象非帷幃尉
也呂氏春秋節喪篇云僂袷以督之柳縷縷僂並通莊
子達生篇苟生有軒冕之尊外得於勝楯之上聚僂之
中則爲之聚僂謂柩車飾也僂者衆飾所聚故曰聚僂
豚讀爲團楯讀爲輓喪大記君大夫葬用輓士葬用團
車是也解

者失之

鑿謂之鈞

詳未

羅車謂之厖鹿遺軌謂之鹿車

方言羅車趙魏之間謂之輓輓車東齊海岱之間謂之道軌輓輓與厖鹿同說文羅著絲於笄車也秦風小戎篇五檠梁駟毛傳云檠歷錄也一駟五束束有厖錄墨子備高臨篇說連弩車之法云以磨鹿卷收義與羅車謂之厖鹿竝相近方言車下鉄陳宋淮楚之間謂之畢大者謂之綦郭注云鹿車也疏證云此言羅車之索也考工記玉人天子圭中必鄭注云必讀如鹿車繹之繹謂以組約其中央圭中必為組鹿車繹為索其約束相類故讀如之

軒謂之鞞

鞞之言盤軒之言紆也說文軒輅內環鞞也鞞柔革也

鞞謂之鞞

鞞各本作鞞曹憲音釋鞞子入反鞞音解集韻類篇鞞字注云廣雅鞞謂之鞞一日車鞞鞞字注云廣雅鞞謂之鞞據此則宋時廣雅本鞞字有作鞞者案衆經音義卷十五云鞞戶犬反大車縛橋者也引廣雅鞞謂之鞞鞞居宐反鞞鞞聲相近鞞鞞形相似然則鞞爲鞞之異文而鞞爲鞞之譌字也說文鞞大車縛鞞也字或作伊釋名云鞞縣也所以縣縛鞞也集韻鞞馬勒也馬勒謂之鞞亦謂之鞞縛鞞鞞謂之鞞亦謂之鞞皆束縛之意也上條鞞謂之鞞爲鞞內環鞞此條爲大車縛鞞鞞事正相類考說文玉篇廣韻俱無鞞字曹憲音子入反非是今訂正

鞞謂之鞞

方言鞞楚衛之間謂之鞞謂小車鞞也僖元年公羊傳注云鞞小車鞞冀州以此名之釋名云鞞援也車之大援也鞞句也鞞上句也秦風小戎篇五檠梁鞞毛傳云梁鞞鞞上句衡也正義云鞞從軫以前稍曲而上至衡

則向下句之考工記鞞人國馬之鞞淡四尺有七寸田馬之鞞淡四尺駕馬之鞞淡三尺有三寸鄭衆注云淡謂鞞曲中

鞞鞞謂之靳

定九年左傳云吾從子如驂之靳說文靳當磨也。不言靳係於鞞此云鞞鞞謂之靳未詳其義。

鞞鞞箱也

箱之言輔相也。篋謂之箱太室兩夾謂之廂車兩鞞謂之箱其義一也。小雅大東篇皖彼牽牛不以服箱毛傳云箱大車之箱也。說文箱大車牝服也。考工記車人大車牝服二柯有參分柯之二。鄭注云牝服長八尺。鄭司農云牝服謂車箱鞞之言。棐也。爾雅云棐輔也。方言箱謂之鞞鞞謂之鞞亦謂之箱篋謂之箱亦謂之篋其義一也。士冠禮注云篋竹器如笱者。說文篋車笱也。車笱謂之篋車箱謂之鞞其義一也。鞞之言藩屏也。續漢書輿服志注引通俗文云車箱爲藩。周官巾車漆車藩蔽。鄭注云蔽車旁禦風塵者。藩今時小車藩漆席以爲之。

方言僮騎也關西關東皆曰僮說文騎萃蓋也釋名云
僮童也其貌童童然也漢書韓延壽傳云建僮榮植羽
葆

鞞鞞謂之鞞

說文茵車中重席也從艸因聲鞞司馬相如說茵從革
漢書霍光傳作網竝字異而義同釋名云鞞因也因與
下輿相連著也秦風小戎篇文茵暢轂毛傳云文茵虎
皮也鞞各本譌作鞞惟影宋本皇甫本不譌急就篇云
鞞鞞鞞鞞鞞鞞錫釋名云鞞鞞車中重薦也輕鞞鞞小
紹者也鞞鞞疊韻字廣韻鞞他胡切鞞鞞屨也屨屨中
薦也鞞鞞亦疊韻字屨中薦謂
之鞞鞞猶車中薦謂之鞞鞞矣

覆笭謂之幣

幣字或作幪說見卷二幪覆也下大雅韓奕篇鞞鞞
覆笭謂之幣說見卷二幪覆也下大雅韓奕篇鞞鞞
幪毛傳云幪覆式也周官巾車王之密車五乘木車犬
褱疏飾素車犬褱素飾藻車鹿淺褱革飾駝車然褱髮

名云履似人履也又曰伏兔在軸上似之也又曰輹輹
伏也伏於軸上也鈞心從輿心下鈞軸也縛在車下與
輿相連縛也阮氏伯元考工記車制圖解曰鞮在車底
而銜於軸上其兩旁作半規形與軸相合下有二長足
少鏤其軸而來鈞之所謂鈞心也又有革以固之所謂
輹也秦風小戎篇陰鞞蓋續毛傳云陰揜輹也鞞所以
引也鄭箋云揜輹在軾前垂鞞上正義云鞞者以皮爲
之繫於陰版之上此與軸上之伏兔迥不相涉廣雅以
陰鞞爲伏兔誤也

輹輹輪也

輪之言員也運也考工記兵車之輪六尺有六寸田車
之輪六尺有三寸乘車之輪六尺有六寸方言輪韓楚
之閒謂之輹關西謂之輹釋名云輪輪也言彌綸也周
而之言也或曰輹言輹總入轂中也輹與輹同說文有
輹曰輪無輹曰輹又云輹藩車下庫輪也雜記載以輹
車鄭注云輹讀爲輹輹崇蓋半乘車之輪引說文無輹
曰輹蓋載輹車以輹
爲輪因謂之輹車矣

鞞篆謂之鞞

商頌烈祖及小雅采芑並云約鞞鎔衡毛傳云鞞長鞞之鞞也朱而約之鄭箋云鞞鞞飾也毛鄭詩考正云鞞說文亦作鞞從革孔冲遠以鞞爲長鞞名非也鞞卽考工記之鞞革朱而約之者朱其革以鞞於幹也惟長鞞盡飾大車短鞞則無飾故曰長鞞之鞞謹案考工記輪人容鞞必正陳篆必直鞞必負幹鄭注云篆鞞約也儻負幹者革鞞相應無贏不足周官巾車孤乘夏篆注云夏篆五采畫鞞約也篆卽鞞約故廣雅云鞞篆謂之鞞卷三云約縛束也縛篆並音直轉反其義同各本譌作鞞謂之鞞采芑釋文鞞廣雅云鞞篆今據以訂正

鞞鞞鞞鞞鞞鞞也

釋名云鞞罔也罔羅周輪之外也考工記輪人牙也者以爲固抱也鄭衆注云牙謂輪鞞也世間或謂之罔罔鞞並與鞞同淮南子說林訓云古之所爲不可更則惟車至今無鞞鹽鐵論非鞞篇云椎車之鞞攫負子之致也鞞與鞞通攫並與鞞通鞞者大車之罔也考工記車人渠三柯者三鄭注云渠二丈七尺謂罔也書大

傳取大貝大如大車之渠鄭注云渠車岡也渠與轆通車岡謂之轆筐之員者謂之簾義相近也說文轆車岡也考工記車人行澤者反轆行山者仄轆鹽鐵論散不足篇云古者椎車無柔棧輿無植柔與轆通釋名云輶關西曰輶言柔曲也說卦傳云坎爲矯輶爲弓輪是其義也輶玉篇音拱輶之言鞏固也拱抱也故曰牙也者以爲固抱也

輶謂之軸

軸之言持也說文軸持輪也舟柁謂之軸機持經者謂之軸義竝同也方言輶謂之軸輶之言關也橫亘之名也說文輶輶車前橫木也與輶謂之軸亦同義

鍋銀缸也

急就篇云缸銅鑊鈔冶銅鑄說文缸車轂口鐵也釋名云缸空也其中空也凡鐵之空中而受柄者謂之缸新序雜事篇淳于髡謂鄒忌曰方內而員缸是也內與柄同車缸空中故又謂之穿在內爲大穿在外爲小穿考

工記輪人五分其轂之長去一以爲賢去三以爲軹鄭
衆注云賢大穿軹小穿是也說文釜斤斧穿也斤斧穿
謂之釜猶車穿謂之鈺鈺釜之爲言皆空也方言車鈺
燕齊海岱之間謂之鈺或謂之錕自闕而西謂之鈺錕
釋名作輶云輶衰也衰軹頭也
錕之言輶也卷三云輶束也

輶輶

說文喜車軸耑也或作輶鄧析子無厚篇云夫木擊折
輶水戾破舟輶之言銳也昭十六年左傳注云銳細小
也軸兩耑出轂外細小也小聲謂之嘒小鼎謂之鐸小
棺謂之輶小星貌謂之嘒蜀細布謂之縶烏翻末謂之
輶車軸兩耑謂之輶義並同也方言車輶齊謂之輶史
記田單傳盡斲其車軸末而傳鐵籠籠與輶通各本譌
作輶輶輶也柔輶輶皆輶之異名當以輶釋輶輶不當
以輶釋輶集韻類篇並引廣雅輶輶也今據以訂正

鍊鑄鈇鎔也

鎔之言管也說文輶轂耑鎔也吳子論將篇云車堅管
轄舟利櫓楫轄管並與鎔同方言轄鈇鍊鑄也關之東

西曰轄南楚曰軼趙魏之間曰鍊鑄說文軼車轄也楚辭離騷齊王欽而竝馳王逸注云軼錮也漢書揚雄傳肆玉軼而下馳欽與軼同軼之言鈴制也史記平準書敢私鑄鐵器煮鹽者欽左趾索隱引三倉云欽踏脚鉗也軼轄一聲之轉踏脚鉗謂之欽穀耑鉗謂之欽其義一也餘見下文鑄鋼鉗也下

枸篋隆屈筱蓬箬籠輦也

此謂蓋弓也方言車枸篋朱魏陳楚之間謂之筱或謂之箬籠自關而西秦晉之間謂之枸篋西隴謂之橋南楚之外謂之蓬或謂之隆屈郭注云卽車弓也橋與輦同釋名云輦輦也藟蔽雨水也說文作輦云惟陽名車穹隆輦四民月令有上輦車蓬輦法見齊民要術枸各本譌作拘今訂正枸篋者蓋中高而四下之稅山顛謂之响屨曲脊謂之病屨高田謂之甌窰義與枸篋竝相近倒言之則曰屨句昭二十五年左傳臧會竊其寶龜屨句龜背中高故有斯稱矣枸篋或但謂之篋玉篇篋車弓也漢書季布傳置廣柳車中李奇注云廣柳大隆穹也柳與篋通隆屈猶屨句也張衡西京賦云終南太一隆崛崔萃是其義也釋名謂車弓爲隆強云隆強言

體隆而強也強亦屈也猶漢書言屈強矣箒籠說文作穹隆倒言之則曰隆穹故李奇漢書注云廣柳大隆穹也司馬相如大人賦云詘折隆窮躓以連卷是其義也或但謂之箒玉篇箒姑篋也姑篋卽桐篋之轉考工記謂之弓弓亦穹也故釋名云弓穹也張之穹隆然也方言注云今呼車子弓爲箒音巾幘後漢書烏桓傳注云幘婦人首飾也釋名作箒云箒恢也恢廓覆髮上也與車子謂之箒同義方言注云今通呼車子爲箒廣韻箒織竹夾箒覆舟也與車弓之箒亦同義

箒謂之笑

釋名車弓上竹曰郎郎與箒通箒之言寔也說文寔康也方言康空也蓋弓二十有八稀疏分布寔寔然也集韻笑車牽行也

筠篋牽帶也

方言車枸篋其上約謂之筠或謂之篋郭注云卽牽帶也筠亦約也篋之言纜也上文云纜索也高誘注淮南

子原道訓云小車蓋四
維謂之紘繩卽牽帶也

綯紉綯也

方言車紉自關而東周洛韓鄭汝穎之間謂之緹或謂
之曲綯或謂之曲綸自關而西謂之紉郭注云綯亦繩
名引鹵風七月篇宵爾索綯說文紉馬綯也小爾雅
綯索也韜綯竝與綯通說文紉馬綯也綯馬紉也釋名
云韜道也在後適迫使不得卻綯也考工記鞞人必綯
其牛後鄭衆注云關東謂紉爲綯綯緹韜竝同綯與紉
緒古聲亦相近

陽門筭篁雀目蔽篁也

玉篇篁管也太平御覽引郭林宗別傳云宿仲琰
柴車駕牛編荆爲當當與篁通釋名云立人象人立也
或曰陽門在前曰陽兩旁似門也鄭衆注考工記車人
云羊車謂車羊門也羊與陽通筭篁通作屏星續漢書
輿服志注引謝承書云別駕車前有屏星如刺史車曲
轡儀式又引通俗文云車當謂之屏星爾雅輿竹前謂

之禦後謂之蔽李巡注云編竹當車前以擁蔽名之曰禦則禦亦蔽也衛風碩人篇翟茀以朝毛傳云茀蔽也正義云車之前後設障以自隱蔽謂之茀周官巾車注引詩作翟茀以朝

鞵鞵勒也

說文勒馬頭絡銜也釋名云勒絡也絡其頭而引之也周官巾車云革路龍勒說文屬馬絡頭也或作鞵經傳省作鞵釋名云鞵檢也所以檢持制之也竝字異而義同玉篇鞵古核切勒也亦作革鞵廣韻鞵鞵首也爾雅鞵首謂之革郭注云鞵鞵勒小雅蕭篇鞵革冲冲毛傳云鞵鞵也革鞵首也鞵鞵革竝同勒與鞵革古亦通用錢氏曉徵焦山鼎銘跋尾云古器銘多用鞵勒字石鼓及寅簋文作鞵勒伯姬鼎作攸勒宰辟父攸攸革此文亦但作攸蓋古文之鞵勒即詩所云鞵革也案小雅斯干篇如矢斯鞵韓詩鞵作初神農本草云天門冬一名顛勒博物志云天門冬一名顛棘古者革鞵棘三字同聲棘之通作初勒猶革鞵之通作勒矣

鞵謂之鞵

說文緹馬縶也釋名云韁韁也繫之使不得出疆限也漢書敘傳繫名聲之韁鎖韁與韁同檀弓則執執羈約而從鄭注云約紉也少儀云犬則執紉牛則執紉馬則執約紉約皆引也紉之言曳紉之言引約之言拘也玉篇云拘引也

鞞謂之綬

鞞之言把也所把以登車也說文綬車中鞞也大雅鞞奕奕云綬所引以登車也

馬鞞謂之鞞

信二十八八年左傳云晉車七百乘鞞鞞鞞鞞對說文鞞頸鞞也釋名云鞞嬰也喉下稱嬰言纓絡之也

鞞鞞鞞也

說文鞞馬鞞具也鞞鞞鞞未詳所出

防汗謂之鞞

說文鞞防汗也淮南子主術訓云鞞鞞鐵鎧太平御覽引東觀漢記云和帝賜桓郁馬二匹并鞞勒防汗又引魏百官名云黃地金鑲織成郭汗一具郭汗卽防汗一名奔汗鹽鐵論散不足篇云今富者黃金琅勒屬縞奔汗

鞞謂之鞞

說文鞞綏也玉篇鞞鞞邊帶也廣韻鞞鞞鞞也一日至兒鞞亦至兒也猶旗旒謂之旒矣

繫纒絆也

說文絆馬繫也又云馬絆馬也引成二年左傳韓厥執馬前今本作執繫馬前小雅白駒傳亦云繫絆也說文纒絆前兩足也莊子馬蹄篇連之以羈馬釋文馬司馬向崔本竝作纒崔云絆前兩足也左思吳都賦纒縻廉劉逵注與崔同同引莊子亦同

楊秦枸也

柯猶拘也今人言牛拘是也櫛之言亦拘也秦猶圜束也說文秦牛鼻中環也衆經音義卷四云今江北曰牛拘江南曰秦呂氏春秋重己篇使五尺豎子引其棧而牛恣所以之棧與秦同

楛阜櫪也

方言櫪梁宋齊楚北燕之間或謂之楛或謂之阜郭注云養馬器也周官校人云三乘爲阜三阜爲馭六馭爲廢六廢成校呂氏春秋權勳篇猶取之內阜而著之外阜也高誘注云阜櫪也史記鄒陽傳集解引漢書音義云阜倉牛馬器以木作如槽槽與阜聲相近今人言馬槽是也

掩筥樓筥帳囊也

掩或作掩方言飢馬囊自關而西謂之掩囊或謂之掩筥或謂之樓筥燕齊之間謂之帳說文筥飢馬器也筥猶兜也今人謂以布盛物曰兜義與此同掩樓帳皆收斂之名掩之言掩也說文云掩斂也釋名云綃頭齊人謂之掩言斂髮使上從也義與掩斂同樓之言婁也小雅角弓箋云婁斂也帳之言振也中庸振河海而不泄

鄭注云振猶收也方言注云帳廣雅
作振字音同耳是郭所見本正作振

廣雅疏證卷七下終